


舊唐書

紀十之十二



漢書門			
二	三	五	九
四	八	一	〇
冊	架	函	號

庫文閣内			
二	二	漢	
一	一	書	
架	冊	號	類

内閣文庫	
番號	漢 2155
冊數	40 (3)
函號	281 2



A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale



© Kodak, 2007 TM: Kodak



綴じ部(喉部分)の文字など開きが不鮮明な箇所あり



肅宗


漢章文庫

劉

聞人詮校刻沈桐同校



肅宗文明武德大聖大宣孝皇帝諱亨玄宗第三子母曰元獻皇后
 楊氏景雲二年乙亥生初名嗣昇二歲封陝王五歲拜安西大都護
 河西四鎮諸蕃落大使上仁愛英悟得之天然及長聰敏強記屬辭
 典麗且目之所聽覽不復遺忘開元十五年正月封忠王改名浚五
 月領朔方大使單于大都護十八年奚契丹犯塞以上為河北道元
 帥信安王禕為副帥御史大夫李朝隱京兆尹裴休先等八人摠管
 兵以討之仍命百察設次於光順州與上相見左丞相張說退謂學
 士孫逖韋述曰嘗見太宗寫真圖忠王英姿穎發儀表非常雅類聖
 祖此社稷之福也二年諸將大破奚契丹以上遙統之功加司徒乙
 十三年改名瑛二十五年皇太子瑛得罪二十六年六月庚子立上



為皇太子改名紹後有言事者云紹與宋太子名同改今名初太子瑛得罪上召李林甫議立儲貳時壽王瑁母武惠妃方承恩寵林甫希旨以瑁對及立上為太子林甫懼不利已乃起韋堅杯勳之獄上幾危者數四後又楊國忠依倚妃家恣為褻瀆懼上英武潛謀不利為患久之天寶十三載正月安祿山來朝上嘗密奏云祿山有反相玄宗不聽十四載十一月祿山果叛稱兵詣闕十二月丁未陷東京辛丑制太子監國仍遣上親總諸軍進討時祿山以誅楊國忠為名由是軍民切齒於楊氏國忠懼乃與貴妃謀間其事上遂不行乃召河西節度使哥舒翰為皇太子前鋒兵馬元帥令率眾二十萬守潼關明年六月哥舒翰為賊所敗關門不守國忠諷玄宗幸蜀丁酉至馬嵬頓六軍不進請誅楊氏於是誅國忠賜貴妃自盡車駕將發留上在後宣諭百姓眾泣而言曰逆胡背恩主上播越臣等生於聖代世為唐民願勦力一心為國討賊請從太子收復長安玄宗聞之曰此天啓也乃令高力士與壽王瑁送太子內人及服御等物留後軍

既馬從上令力士口宣曰汝好去百姓屬望慎勿違之莫以吾為言且西戎北狄吾嘗厚之今國步艱難必得其用汝其勉之上更至渭水橋便橋已斷水暴漲無舟楫上號令水濱百姓歸者三千餘人渭水可涉又遇潼關散卒誤以為賊與之戰士眾多傷乃收其餘眾比上軍既濟其後皆溺上喜以為天之佑時從上惟廣平建寧二王及四軍將士纔二千人自奉天而北夕次永壽百姓遮道獻牛酒有白雲起西北長數丈如樓閣之狀議者以為天子之氣戊戌至新平郡時晝夜奔馳三百餘里士眾器械亡失過半所存之眾不過一旅已亥至安定郡斬新平太守薛羽保定太守餘毅以其奔郡也庚子至烏氏驛彭原太守李遵謁見率兵士奉迎仍進衣服糧糗上至彭原又募得甲士四百率私馬以助軍辛丑至平涼郡蒐閱監收公私馬得數萬疋官軍益振時賊據長安知上治兵河西三輔百姓皆曰吾太子大軍即至賊望西走塵起有時奔走戊申扶風人康景龍殺賊宣慰使薛揔等二百餘人陳倉令薛景仙率眾收扶風郡守之由是關

輔豪右皆謀殺賊賊故不敢侵誅上在平涼數日之間未不知所適會朔方留後杜鴻漸魏少遊崔漪等遣判官李涵奉牋迎上備陳兵馬招集之勢倉儲庫甲之數上大悅鴻漸又發朔方步騎數千人於白草頓奉迎時河西行軍司馬裴冕新授御史大夫赴關遇上於平涼亦勸上治兵於靈武以圖進取上然之上初發平涼有彩雲浮空白鶴前引出軍之後有黃龍自上所憩屋騰空而去上行至豐寧南見黃河天塹之固欲整軍北渡以保豐寧忽大風飛沙跬步之間不辨人物次迴軍趨靈武風沙頓止天地廓清七月辛酉上至靈武時魏少遊預備供帳無不畢備裴冕杜鴻漸等從容進曰今寇逆亂常毒流函谷主上倦勤大位移幸蜀川江山阻險奏請路絕宗紅神器須有所歸萬姓顛顛思崇明聖天意人事不可固違伏願殿下順其樂推以安杜稷王者之大孝也上曰侯平寇逆奉迎鑾輿從容儲置侍膳左右豈不樂哉冕等何急也冕等凡六上牋辭情激切上不獲已乃從是月甲子上即皇帝位於靈武禮畢冕等跪進曰自逆賊憑陵

京失守聖皇傳位陛下再安區宇臣稽首上千萬歲壽羣臣舞蹈萬歲上流涕歔歔感動左右即日奏其事於上皇是日御靈武南門下制曰朕聞聖人畏天命帝者奉天時知皇靈睠命不敢違而去之知曆數可歸不獲已而當之在昔帝王靡不由斯而有天下者也乃者羯胡亂常京闕失守天未悔禍羣兇尚扇聖皇久厭大位思傳眇身軍興之初已有成命予恐不德罔敢祗承今羣工卿士僉曰孝莫大於繼德功莫盛於中興朕所以治兵朔方將殄寇逆務以大者本其孝乎須安兆庶之心敬順羣臣之請乃以七月甲子即皇帝位於靈武敬崇徽號上尊聖皇曰上皇天帝所司擇日昭告上帝朕以薄德謬當重位既展承天之禮宜覃率土之澤可大赦天下改元曰至德内外文武官九品已上加兩階賜兩轉三品已上賜爵一級以朔方度支副使大理司直杜鴻漸為兵部郎中朔方節度判官崔漪為吏部郎中並知中書舍人以御史中丞裴冕為中書侍郎同中書門下平章事河西兵馬使周似為河西節度使隴右兵馬使彭元暉

為隴右節度使前蒲州刺史呂崇晉為關內節度使兼順化郡太守以陳倉縣令薛景仙為扶風太守以隴右節度使郭英乂為天水郡太守改靈武郡為大都督府上縣為望中縣為上丁卯逆胡害霍國長公主永王妃侯莫陳氏義王妃閻氏陳王妃韋氏信王妃任氏駙馬楊朮等八十餘人於崇仁之街甲戌賊黨同羅部五千餘人自西出降朔方軍已卯京兆尹崔光遠長安令蘇震等率府縣官吏大呼於西市殺賊數千級然後來赴行在詔改扶風為鳳翔郡八月壬午朔方節度使郭子儀范陽節度李光弼破賊於常山郡之嘉山上以治兵收京城詔子儀等旋師子儀光弼率所統步騎五萬至屯河北詔以子儀為兵部尚書依前靈州大都督府長史光弼為戶部尚書兼太原尹北京留守同中書門下平章事迴紇吐蕃遣使繼至請和親願助國討賊皆宴賜遣之是日上皇至成都大赦癸巳上所奉表始達成都丁酉上皇遜稱誥遣左相韋見素文部尚書房琯門下侍郎崔渙等奉冊書赴靈武九月壬辰上南幸彭原郡封故鄆王守禮

與承案為燉煌王今使迴紇和親冊迴紇可汗女為毗伽公主仍令僕固懷恩送承案至迴紇部內官邊令該背上皇授賊至是復來見上命斬之丙子至順化郡韋見素房琯崔渙等自蜀郡貢上冊書及傳國寶等至已卯斬潼關敗將李承光於纛下十月辛巳朔日有蝕之既癸未彭原郡以軍興用度不足擢賣官爵及度僧尼上素知房琯名至是琯請為兵馬元帥收復兩京許之仍令兵部尚書王思禮為副分兵為二軍揚希文劉貴哲李光進等各將一軍其衆五萬辛丑琯與賊將安守忠戰于陳濤斜官軍敗績揚希文劉貴哲等降於賊琯亦奔還平原太守顏真卿以食盡援絕棄城渡河於是河北郡縣盡陷於賊十一月辛亥河西地震有聲地裂廬舍張掖酒泉尤甚戊子迴紇引軍來赴難與郭子儀同破賊黨同羅部三千餘衆於河上詔宰相崔渙巡撫江南補授官吏十二月戊子以王思禮為關內節度彭原郡百姓給復二載郡同六雄縣昇緊望以秦州都督郭英乂為鳳翔太守諫議大夫高適為廣陵長史淮南節度兼採訪使賊

將阿史那承慶攻陷潁川郡執太守薛愿長史龐堅甲辰江陵大都督府永王璘擅領舟師下廣陵

二載春正月庚戌朔上在彭原受朝賀是日通表入蜀賀上皇上皇在蜀每得上表疏訊其使者知上涕戀晨省乃下詔曰至和育物大孝安親古之哲王必由斯道朕往在春宮嘗事先后問安靡闕視膳無違及同氣天倫聯華棣萼居嘗共被食必分甘今皇帝奉而行之未嘗失墜每有銜命而來戒途將發必肅恭拜跪涕泗連沓左右侍臣罔不感動聞者拖戴赤雀白狼之瑞接武荐臻此皆皇帝聖敬之符孝友之感也故能誕敷德教橫于四海信可以光宅寰宇永綏黎元者哉其天下有至孝友悌行著鄉閭堪旌表者郡縣長官採聽聞奏庶孝子順孫沐于玄化也甲寅以襄陽太守李岍為蜀郡長史劔南節度使將作少監魏仲犀為襄陽山南道節度使永王傅劉彙為丹陽太守兼防禦使以憲部尚書李麟同中書門下平章事上皇遣平章事崔圓奉詔赴彭原乙卯逆胡安祿山為其子慶緒所

於江寧縣置金陵郡仍置軍分人以鎮之甲子幸保定郡丙寅武都九姓商胡安門物等叛殺節度使周佖判官崔稱率眾討平之是日蜀郡健兒賈秀等五千人謀逆上皇御蜀郡南樓將軍席元慶等討平之二月戊子幸鳳翔郡文城太守武威郡九姓齊莊破賊五十餘眾上議大舉收復兩京盡括公私馬以助軍給事中李廙署云無馬大夫崔光遠劾之貶廙江華太守節度使李光弼大破賊將蔡希德之衆於城下斬虜七萬軍資器仗稱是朔方節度使郭子儀大破賊將崔乾祐於潼關收河東郡永王璘兵敗奔於嶺外至大庾嶺為洪州刺史皇甫侁所殺三月癸亥河西自去冬地震至是方止辛酉以左相韋見素平章事裴冕為左右僕射並罷知政事以前憲部尚書致仕苗晉卿為左相吐蕃遣使和親遣給事中南巨川報命癸亥大雨至癸酉不止詔疏理刑獄甲戌方止夏四月戊寅朔以郭子儀為司空兼副元帥統諸節度李光弼為司徒乙酉太史奏歲星太白災惑集于東井五月癸丑郭子儀與賊將安守忠戰于清渠官軍敗績

子儀退保武功丁巳房琯為太子少師罷知政事以諫議大夫張鎰為中書侍郎同中書門下平章事以武部侍郎杜鴻漸為河西節度使申誥追贈故妃楊氏為元獻皇太后上母也甲子郭子儀以失律讓司空許之七月庚戌夜蜀郡軍人郭千仞謀逆上皇御玄英樓節度使李恒討平之丁巳賊將安武臣陷陝郡民無遺類八月甲申以黃門侍郎崔渙為餘杭太守江東採訪防禦使己丑以平章事張鎰兼河南節度採訪處置等使靈昌太守許叔冀為賊所攻援兵不至振衆投睢陽郡癸巳大閱諸軍上御城樓以觀之丁酉改雍縣為鳳翔縣陳倉為寶雞縣閏八月辛未賊將遠寇鳳翔崔光遠行軍司馬王伯倫判官李椿率衆捍賊賊退乘勝至中渭橋殺賊守橋衆千人追擊入苑中時賊大軍屯武功聞之燒營而去伯倫與賊血戰而死李椿力窮被執然自是賊不敢西侵九月丁丑上黨節度使程千里與賊戰為賊將蔡希德所擒燉煌王承寀自迴紇使還拜宗正卿納迴紇公主為妃迴紇封為葉護持四節與迴紇葉護太子率兵四千

助國討賊葉護入見宴賜加等丁亥元帥廣平王統朔方安西迴紇南蠻六食之衆二十萬東向討賊壬寅與賊將安守忠李歸仁等戰于香積寺西北賊軍大敗斬首六萬級賊帥張通儒奔京城東走癸卯廣平王收西京甲辰捷書至行在百寮稱賀即日告捷于蜀上皇遣裴冕入京啓告郊廟社稷冬十月乙巳朔以崔光遠為京兆尹詔曰緣京城初收要安百姓又洒掃宮闕奉迎上皇以今月十九日還京應緣供頓務從減省吐蕃寇陷西平郡癸丑賊將尹子奇陷睢陽害張巡姚閻許遠賊自香積之敗悉衆保陝郡廣平王統郭子儀等進攻與賊戰于陝西之新石賊無一敵斬首十萬級橫屍三十里庚申安慶緒與其黨奔河北壬戌唐平王入東京陳兵天津橋南士庶歡呼路側陷賊官偽署侍中陳希烈中書令張增等二百餘人素服待罪癸亥上自鳳翔還京仍遣太子太師韋素入蜀迎上皇鳳翔郡給復五載丙寅至望賢宮得東京捷書三十六言丁卯入長安士庶涕泣拜忭曰不圖復見吾君上亦喜之感創九廟為賊所焚上素服哭於

廟三日入居大明宮是日上皇發蜀郡已巳文武從官免冠徒跣
朝堂待罪禁之府獄命中丞崔器劾之德純葉護自京還宴之于
宣政殿便辭還蕃乃封葉護為忠義王約每年送絹二萬疋至朔方
王便交授十一月壬申朔上御丹鳳樓下制曰我國家出震瑛乾立
極開統謳詞曆數啓聖千齡文物聲名擢圖六葉安祿山夷羯賤類
粗立邊功遂肆兇殘變起倉卒而毒流四海塗炭萬靈朕興言痛憤
提戈問罪靈武聚一旅之衆至鳳翔合一萬之師親摠元戎掃清羣
孽廣平王俶受委元帥能振天聲郭子儀決勝無前克成大業兼迴
紇葉護雲南子弟諸蕃兵馬力戰平兇勢若摧枯易同破竹朕早奉
聖訓嘗讀禮經義切奉先恐不克荷今復宗廟於函洛迎上皇於巴
蜀導鑿輿而反正朝寢門而問安寰宇載寧朕願畢矣且復人將
主敬當天地之心興豈在予晉馮社稷之祐今兩京無虞三靈滿
可以昭事宜在覃恩待上皇到日當取處分是時河南河東諸
皆平宮省門帶安字者改之偽御史大夫嚴莊來降新成九年

上親告享十二月丙午上皇至自蜀上至望賢宮
樓上望樓辟易下馬趨進樓前拜舞蹈舞稱慶上皇下樓上匍匐拜
上皇足涕泗嗚咽不能自勝遂扶侍上皇御殿親自進食自御馬以
進上皇上馬又躬攬轡而行止之後退上皇曰吾享國長久吾不知
貴見吾子為天子吾知貴矣上乘馬前導自開遠門至丹鳳門旗幟
燭天綵棚夾道士庶舞牀路側皆曰不圖今日再見二聖百寮班於
含元殿庭上皇御殿左相百營御率百辟稱賀人人無不感咽禮畢
上皇詣長樂殿謁九廟神主即日幸興慶宮上請歸東宮上皇遣高
力士乘三尉譬而止受賊為器左相陳希烈達矣昉等二百餘人並
禁於揚國忠宅鞠問甲寅以左相百營御為中書侍郎同中書門下
平章事十二月戊午朔上御丹鳳門下制大赦蜀郡靈武元從功臣
太子太師幽國公豆見素內侍齊國公高力士右龍武大將軍陳玄
禮各加實封三百戶田長文張宗俊杜休祥各加二百戶右僕射裴
冕異國公殿中監李輔國成國公宗正卿李遵鄭國公兼進封邑廣

平王倣封楚王加實封二千戶左僕射朔方節度郭子儀加司徒進
封代國公實封一千戶兵馬使僕固懷恩封豐國公右金吾將軍李
嗣業封魏國公司徒兼太原尹李光弼封關內節度王思禮霍
國公淮南節度來瑱穎國公志陽太守魯貞懷國公仍並加實封京
元尹崔光遠鄴國公開府李光進范陽郡公左相苗晉卿為侍中封
韓國公憲部尚書平章事李勉襲國公中書侍郎崔圓為中書令趙
國公中書侍郎張鑄南陽縣公近日所改百司額及郡名官名一依
故事改蜀郡為南陽鳳翔府西京西京改為中京蜀郡改為成
府鳳翔府官寮並同二京名號其李燧盧奔顏泉卿袁履謙許遠
巡張介然蔣清龐參等即與進之贈訪其子孫厚其官爵文武三品
上賜爵一級四品已下加一此賜醪五日進封南陽王傑為趙王
城王僅為彭城王穎川王儒亮王第七男傑為涇王第九男傑封
襄王第十男召封興王第十一男德封杞王第十二男侗封定王
子上皇御宣政殿授上傳國爾王上於殿下涕泣而受之已丑賊將

范陽節度使史思明以其兵衆八萬之籍與僞河東節度使高
並表送降唐午制人臣之節有死無二為國之體叛而必誅況子
質賊廷宴安逆命耽受寵祿淹延歲時不顧恩義助其効用此其可
宥法將何施達奚珣等或受任台輔位極人臣或累葉寵榮姻聯戚
里或歷踐臺閣或職通中外夫以犬馬微賤之畜猶知戀上龜蛇蠢
動之類皆能報恩豈曰人臣曾無感歎自逆胡作亂傾覆邦家凡在
黎元皆含怨憤殺身殉國者不可勝數此等黔首猶不肯國恩受任
於梟獍之間咨謀於豺虺之輩靜言此情何可放有達奚珣等一十
八人並宜處斬陳希烈等七人並賜自盡前大理卿張均特宜免死
配流合浦都是日斬達奚珣等於子城西南隅獨柳樹仍集百寮往
觀之

三載正月甲戌朔戊寅上皇御宣政殿冊皇帝尊號曰光天文武大
聖孝感皇帝上以徽號中有大聖二字上表固讓不允乙酉勅因亂
所失庫物先差使搜檢如聞下吏因便擾人其搜檢使一切並停務

令安輯內出宮女三千人庚寅大閱諸軍於含元殿庭上御樓鸞閣
觀之庚子冊良娣張氏為淑妃二月癸卯朔賊將偽淄青節度能元
皓以其地請降用為河北招討使并其子昱並授官爵乙巳上御興
慶宮奉冊上皇徽號曰太上至道聖皇大帝丁未御明鳳門大赦天
下改至德三載為乾元元年成都靈武扈從功臣三品已上與一子
官五品已下與一子出身六品已下量功改轉死王事陷賊不受偽
命而死者並與追贈陷賊官先推鞠者例減罪一等今後醫卜入仕
者同明法例處分三月癸酉朔甲戌元帥王叔政封成王乙亥山
南東道河南淮南江南皆置節度使辛卯以歲飢禁酤酒麥依常式
太史監為司天臺取承寧坊張守珪宅置仍補官員六十人夏四月
癸卯以太子少師嗣虢王巨為東京留守河南尹克京畿採訪處置
使巴酉冊淑妃張氏為皇后辛亥九廟成備法駕自長安殿迎九廟
神主入新廟甲寅上親享九廟遂有事於圓丘即日還宮翌日御明
鳳門大赦天下戊辰上進鍊石英金龜於興慶宮五月壬申朔廻紇
黑衣大食各遣使朝貢至閣門 詔長詔其使合從左右門入壬午詔
近緣狂寇亂常諸道分置節度蓋憫管內徵發文牒往來仍加採訪
轉滋煩擾其諸道先置採訪黜陟二使宜停癸未夜月掩心前星戊
子以河南節度中書侍郎平章事張鎰為荊州大都督府長史本州
防禦使以禮部尚書崔光遠為河南節度庚寅立成王叔為皇太子
以荊州長史季廣琛赴河南行營會計討賊於河北己未中書令崔
圓為太子少師刑部尚書同平章事李元為太子少傅並罷知政事
以太常少卿知禮儀事 為中書侍郎同中書門下平章事丙申
燉煌王承采薨六月辛巳朔吐火羅康國遣使朝 己酉初置太一
神壇於圓丘東是日命安王瑛行祠事癸丑月入南斗魁戊
午諸三司所推劾受 偽官等恩澤頻加科條流 原其事狀稍近
平人所推問者並宜釋放秋七月辛未朔吐火羅葉護烏利多并九
國首領來朝助國討賊上令近朔方行營丙戌初鑄新錢文曰乾元
重寶用一當十與開元 寶同行用丁亥制 皇第二女寧國公主

出降迴紇英武威遠世可汗八月壬寅以青徐等五州節度使季
廣琛兼許州刺史河東節度使崔光遠兼汴州刺史以青州刺史許
叔異兼滑州刺史戶一滑六州節度使甲辰上皇誕節上皇宴百官
於金明門樓榭方節度使郭子儀河東節度使李光弼關內節度使
王思禮來朝加子儀中書令光弼侍中思禮兵部尚書餘如故九月
庚午朔右羽林大將軍趙世為蒲州刺史蒲同統三州節度使貝州
刺史能元皓為齊州刺史等州防禦使庚寅大舉討安慶緒
於相州命朔方節度郭子儀河東節度李光弼關內潞州節度使王
思禮淮西襄陽節度曾以興平節度李奐滑澤節度許叔異平盧兵
馬使董秦北庭行營節度使李嗣業鄭祭節度使李廣琛等九節度
之師步騎二十萬以開府魚朝恩為觀軍容使癸巳廣州奏大合國
波斯國兵衆攻城刺史韋利見弃城而遁十月乙未以鳳翔尹李齊
物為刑部尚書以濮州刺史張方須為廣州都督五府節度使郭子
儀奏破賊十萬於衛州獲安慶緒弟慶進收衛州甲寅上皇辛華

清宮上送於灞上許叔異奏衛州婦人侯四娘滑州婦人唐其嬌婦

人王二娘相與歃血請赴行營討賊皆補果毅壬申王思禮破賊二
萬於相州十一月丁丑郭子儀收魏州得偽署刺史蕭華於州獄詔
復以華為刺史是日上皇至自華清宮上迎於灞上上自控上皇馬
轡百餘步詰止之乃已十二月癸卯以河南節度崔光遠為魏州刺
史追蕭華赴相州行營甲辰以昇州刺史韋黃裳為蘇州刺史浙西
節度使庚戌以戶部尚書李岷充淮南浙西觀察使處置節度使丙
寅立春上御宣政殿讀時令常參官五品已上升殿序坐而聽之時
王師圍相州慶緒食盡求於史思明率衆來援丁卯思明復陷魏州
刺史崔光遠出奔

二年春正月己巳朔上御含元殿受尊號曰乾元大聖光天文武孝
感皇帝是日史思明自稱燕王於魏州僭立年號丁丑上親祀九宮
貴神齋宿於壇所戊寅有事於籍田上行九推禮官奏太過上曰朕
勸農率下所恨不終于畝耳癸未夜月掩歲星乙丑以御史中丞崔

寓都統浙江淮南節度處置使丙申開府儀同三司衛尉卿懷州北
庭行營節度使魏國公李嗣業卒于相州行營庚子以太子少師崔
圓克東京留守判尚書省事二月壬子望月蝕既百官請加皇后張
氏尊號曰翊聖上以月蝕陰德不修而止貶東京留守嗣號王巨以
陝州刺史苦政也丙辰月犯心大星壬戌遣侍中苗晉卿王瓌分錄
囚徒三月丁卯朔己巳皇后祀先蠶於苑中壬申福州行營郭子儀
等與賊史思明戰王師不利九節度兵潰子儀斷河陽橋以餘衆保
東京辛卯以衛尉卿荔非元禮為懷州刺史權鎮西北庭行營節度
使以滑州刺史許叔異克滑汴曹宋等州節度使以鄆州刺史尚衡
為徐州刺史克毫穎等州節度使甲午以兵部侍郎呂誼同中書門
下平章事以太子賓客薛景仙為鳳翔尹本府防禦使乙未侍中苗
晉卿為太子太傅平章事王瓌為刑部尚書並罷知政事以京兆尹
李峴為吏部尚書禮部侍郎李暉為中書侍郎與戶部侍郎第五琦
等並同中書門下平章事丙申以郭子儀為東畿山東河南等道節
度防禦兵馬元帥權東京留守判尚書省事以河西節度副使來瑱
為陝州刺史克虢華節度潼關防禦團練等使四月丁酉朔王思禮
奏於潞城縣東直千嶺破賊萬人壬寅詔以寇孽未平務懷搆挹自
今以後朕常膳及服御等物並從節減諸作坊造坊並停比緣軍國
務殷或宣口勅處分今後非正宣並不得行用中外諸務各歸有司
英武軍及六軍諸使比因論竟便行追攝今後須經臺府如處斷不
平具狀聞奏白文武五品已上正官各舉賢良方正直言極諫一人
任自封進兩省官十日一上封事御史臺欲彈事不須進狀仍服豸
冠殘妖未殄國步猶難共體至公以庶庶政朕推誠御物與衆共之
思與蒼生臻夫至道宣示中外知朕意焉甲辰以鄧州刺史魯吳為
鄭州刺史克陳鄭穎亳節度使以絳州刺史尚衡為青州刺史克青
淄密登萊沂海等州節度使以商州刺史興平軍節度李奩兼豫許
汝等州節度使乙巳第五琦依舊判度支租庸等使史思明僭號於
魏州貶季廣琛宣州刺史崔光遠為太子少保癸亥以久旱徙市雩

祈雨五月辛巳既宰相李峴蜀州刺史丁亥上御宣政殿試文經邦
國等四科舉人乃以汝州刺史劉展為滑州刺史以平盧軍節度都
知兵馬使董秦為滑州刺史六月乙未朔以右僕射裴冕為御史大
夫成都尹持節充劍南節度副大使本道觀察使以邠州刺史房瑄
為太子賓客以饒州刺史顏真卿為昇州刺史克浙江西道節度使
已巳以明州刺史呂延之為越州刺史克浙江東道節度使以右羽
林大將軍彭元曜為鄭州刺史克陳鄭申光壽等州節度使秋七月
乙丑朔以禮部尚書韋陟克東京留守太子少傅交國公李麟卒辛
巳制以趙王係為天下兵馬元帥司空兼侍中李光弼為副丁亥以
兵部尚書潞州大都督府長史潞節度霍國公王思禮兼太原尹
克北京留守河東節度副大使刑部尚書王夔為蒲州刺史克蒲同
絳三州節度使八月乙亥襄州偏將康楚元逐刺史王政據城自守
丙辰寧國公主自迴紇還宮副元帥李光弼兼幽州大都督府長史
河北節度等使九月甲午襄州賊張嘉延襲破荊州澧朗復郢破歸

一當五十以二十二斤成貫丁亥以太子少保崔光遠克荆襄等州
招討使右羽林大將軍王仲昇克申安沔等州節度使右羽林將軍
李抱真為鄭州刺史鄭陳穎亳四州節度使庚寅逆胡史思明陷洛
陽副元帥李光弼守河陽汝鄭滑等州陷賊冬十月丁酉制親征史
思明竟不行乙巳李光弼奏破賊於城下壬戌宰相呂諲起復依前
平章事十一月甲子朔商州刺史韋倫破康楚元荆襄平庚午戶部
侍郎同平章事第五琦貶忠州長史御史大夫賀蘭進明貶秦州司
馬十二月癸巳朔神策將軍衛伯玉破賊於陝東疆于坂甲寅以御
史大夫史翹為襄州刺史克山南東道節度觀察處置等使
三年春正月癸亥朔辛巳李光弼進位太尉兼中書令餘如故以抗
州刺史侯令儀為昇州刺史克浙江西道節度兼江寧軍使戊子以
朔方節度使郭子儀兼邠寧鄜坊兩道節度使二月癸巳朔以右丞
崔寓為蒲州刺史克蒲同晉絳等州節度使庚戌第五琦除名長流

哀州癸丑以太子少保崔光遠為鳳翔戶秦隴節度使三月壬申以
京兆尹李若幽為成都戶劍南節度使甲申以蒲州為河中府其州
縣官吏所置同京兆河南二府四月甲午李光弼奏破賊於懷州河
陽甲辰以禮部尚書東京留守韋陟為吏部尚書太子賓客房瑄為
禮部尚書以太子賓客平章事張鎬為左散騎常侍太子賓客崔渙
為大理卿是歲饑米斗至一千五百文戊申襄州軍亂殺節度使史
翹部將張維據州叛丁巳夜韋出東方在婁胄間長四尺許戊午以
右丞蕭華為河中尹兼御史中丞克同晉絳等州節度觀察處置使
已未以陝州刺史來瑱為襄州刺史克山南東道襄鄆等十州節度
觀察處置等使庚申以右羽林大將軍郭英乂為陝州刺史陝西節
度潼關防禦等使閏四月辛酉朔韋出西方其長數丈壬戌以禮部
尚書房瑄為晉州刺史甲子制彭王僅克河西節度大使克王儼北
庭節度大使涇王佺隲石節度大使杞王儼陝西節度大使興王侶
鳳翔節度大使蜀王儼邠寧節度大使並不出閤丁卯太原尹王思
禮進位司空甲戌天下兵馬元帥趙王係改封越王己卯以星文變
異上御明鳳門大赦天下改乾元為上元追封周太公望為武成王
依文宣王例置廟時大露自四月雨至閏月末不止米價翔貴人相
食餓死者委骸于路壬午以刑部尚書王璵為太常卿右散騎常侍
韓擇木為禮部尚書五月庚寅朔丙午以太子太傅韓國公苗晉卿
為侍中壬子黃門侍郎同中書門下三品呂諲為太子賓客罷知政
事癸丑以河南尹劉晏為戶部侍郎勾當度支鑄錢鹽鐵等使是夜
月掩昴六月乙丑詔先鑄重稜錢一當五十宜減當三十文開元宜
一當十七月己丑朔丁未上皇自興慶宮移居西內丙辰開府高力
士配流巫州內侍王承恩流播州魏悅流秦州左龍武大將軍陳玄
禮致仕丙辰御史大夫崔器卒八月辛未吏部尚書韋陟卒丁丑以
太子賓客呂諲為州大都督府長史禮朗破忠五州節度觀察處
置等使己卯以將作監王昂為河中尹本府晉絳等州節度使丁亥
贈故興王侶為恭懿太子九月甲午以荊州為南都州曰江陵府官

吏制置同京兆其蜀郡先為南京宜復為蜀郡十月壬申以廬州刺史趙良弼為越州刺史克浙江東道節度使青州刺史殷仲卿為淄州刺史淄沂滄德棣等州節度使甲申以兵部侍郎尚衡為青州刺史青登等州節度使十一月乙巳李光弼奏收懷州宋州刺史劉展赴鎮揚州揚州長史鄧景山以兵拒之為展所敗展進陷揚潤昇等州十二月庚辰以右羽林軍大將軍李鼎為鳳翔尹興鳳隴等州節度使癸未夜歲星掩房

二年春正月丁亥朔辛卯温州刺史季廣琛為宣州刺史充浙江西道節度使甲午上不康皇后張氏刺血為佛經甲寅詔府縣御史臺大理疏理繫囚死罪降從流流已下並釋放乙卯平盧軍兵馬使田神功生擒劉展楊潤平二月己未党項寇寶雞入散關陷鳳州殺刺史蕭悅鳳翔李鼎邀擊之癸亥以鳳翔尹崔光遠為成都尹劔南節度使支管田觀察處置等使以太子詹事趙國公崔圓為揚州大都督府長史淮南節度觀察等使辛未夜月有蝕之既戊寅李光弼率河陽之軍五萬與史思明之衆戰於北邙官軍敗績光弼保固懷恩走保聞喜魚朝恩衛伯玉正保陝州河陽懷州共陷賊京師戒嚴癸未中書侍郎同中書門下二品李揆貶為袁州長史以前河中尹蕭華為中書侍郎同平章事集賢殿崇文館大學士兼修國史三月甲子史朝義率衆夜襲我陝州衛伯玉逆擊敗之戊戌史思明為其子朝義所殺李光弼以失律讓太尉中書令許之授侍中河中尹晉終等州節度觀察使夏四月乙亥朔嗣岐王珍得罪廢為庶人於秦州安置連坐竇如玢崔昌處斬駙馬都尉楊洄薛履謙賜自盡左散騎常侍張鎬貶辰州司戶長任己未以吏部侍郎裴遵慶為黃門侍郎同中書門下平章事青州刺史尚衡兗州刺史能元皓並奏破賊壬午梓州刺史段子璋叛襲破遂州殺刺史嗣虢王巨東川節度使李奐戰敗奔成都五月甲午思明偽將滑州刺史令狐彰以滑州歸朝授彰御史中丞依前滑州刺史滑魏德貝相六州節度使乙未劔南節度使崔光遠率師與李奐擊敗段子璋於綿州擒子璋殺之綿州

平李光弼來朝進位太尉兼侍中京河南副元帥都統河南淮南
南東道五道行營節度鎮臨淮北京留守司空太原尹河東節度
副大使霍國公王思禮卒辛丑以鴻臚卿趙國公管崇嗣為太原尹
兼御史大夫克北京留守河東節度副大使壬子太子少傅宗正卿
李齊物卒六月癸丑朔己卯以鳳翔尹李鼎為鄆州刺史隴右節度
營田等使秋七月癸未朔日有蝕之既大星皆見甲辰延英殿御
梁上生玉芝一莖三花上製玉靈芝詩八月癸丑朔以中官李輔
守兵部尚書於尚書省上幹臣百官送之酈宴竟日自七月霖雨
是方止牆宇多壞漉魚道中辛巳以殿中監李若幽為戶部尚書
朔方鎮西正庭陳鄭等州節度使鎮絳州賜名國禕九月壬午朔
辰以太子賓客集賢殿學士昌黎伯韓擇木為禮部尚書壬寅制
獲守不業敢忘謙冲欲垂範而自我亦去華而就實其乾元大聖
天文武孝感等尊崇之稱何德以當之欽若昊天定時成歲春秋五
始義在體元惟以紀年更無潤色至于漢武飾以浮華非前王之
與豈永代而作則自今已後朕號唯稱皇帝其年號但稱元上去上
元之號其以今北庭路儀隰等州行營本管節度觀察等事移鎮絳
州壬申嗣寧王棣薨癸酉河南副元帥李光弼破賊於許州城下收
復許州建辰月庚辰朔壬午詔天下見禁繫囚無輕重一切釋放丙
戌夜月有白冠癸巳以襄州刺史來瑱為安州刺史克淮西申安
黃河等十六州節度使甲午常項奴刺寇梁州刺史李勉奔郾走丙
申党項寇奉天上不康百寮於佛寺齋僧丁未詔左降官流人一切
放還戊申中書侍郎平章事徐國公蕭華為禮部尚書罷知政事以
尚書戶部侍郎元載同中書門下平章事以禮部尚書韓擇木為太
子太保建巳月庚辰朔壬子楚州刺史崔沆獻定國寶玉十三枚一
曰玄黃天符如芻長八寸濶三寸上圓下方近圓有孔黃玉也二曰
三雞毛文悉備白玉也三曰穀壁白玉也徑可五六寸其文粟粒無
雕鏤之迹四曰西王母白環二枚白玉也徑六七寸五曰碧色寶圓
而有光六曰如意寶珠形圓如雞卵光如月七日紅韎鞞大如巨栗

赤如櫻桃八曰琅玕珠二枚長一十二分九曰玉玦形如玉環四分
缺一十曰玉印大如半手斜長理如鹿形陷入印中以印物則鹿形
著焉十一曰皇后採桑鈎長五六寸細如筋屈其末似真金又似銀
十二曰雷公石斧長四寸濶一寸無孔細緻如青玉十三寶置于日
中皆白氣連天僊表云是州七尼真如者恍惚上昇見天帝帝授以
十三寶曰中國有災宜以第一寶鎮之甲寅太上至道聖皇天帝崩
於西內神龍殿上自仲春不豫聞上皇登遐不勝哀慟因茲大漸乙
丑詔皇太子監國又曰上天降寶獻自楚州因以體元叶乎五紀其
元年宜改爲寶應建巳月爲四月餘月並依常數仍依舊以正月一
日爲歲首丁卯宣遺詔定日二崩于長生殿年五十二羣臣上謚曰
文明武德大聖大宣孝皇帝廟號肅宗寶應二年三月庚午葬于建
陵

史臣曰臣每讀詩至許穆夫聞宗國之顛覆周大夫傷宮室之忝
離其辭情於邑賦諭勸懲未嘗不廢書興嘆及觀天寶尖馭流離奔
播又甚於詩人之於邑也當其戎羯負恩奄為豨突豺豕遠興於繫
下胡越寧慮於舟中借人之戈持之反刺變生於不意也所幸太
王去國邇人不忘於周君新奔據圖黔首仍思於漢德是以宣皇帝
蒙六聖之遺業因百姓之樂推號令朔方旬日而車徒雲合旋師右
輔暮月而關隴砥平故兩都再復於鑿與九廟復歆於黍稷觀其迎
上皇於蜀道陳拜慶於望賢父子於是感傷行路爲之墮涕昔太公
迎子或從家令之言而西伯事親靡怠寢門之問曾參孝已足以擬
倫然而道屈知幾志微遠略殘妖未殄宜先恢復之謀餘燼纒收何
暇昇平之禮方聽王璵伏奏輔國贊成紺轅躬籍于春郊翠幃先蠶
於繭館或御殿曉宣時令或登壇宿禮貴神禮即宜然時何暇給鍾
縣未移於奠簏思明已陷於洛陽是知祝史疇人安能及遠猶賴大
臣宣力諸將効忠旄頭終墮於三川杲日重明於六合比平王之遷
洛我則英雄論元帝之渡江彼誠么麼寧親復國肅廼休哉
贊曰大羊犯順輦輅播遷兇徒竟斃景祚重延星馳蜀道雨泣望賢

孝宣之謚誰曰不然

唐書本紀卷第十

唐書本紀卷第十一

劉 胸 等修

聞人詮校刊沈桐同校

代宗

代宗睿文孝武皇帝諱豫蕭宗長子母曰章敬皇太后吳氏以開元十四年十二月十三日生于東都上陽宮初名俶年十五封廣平王玄宗諸孫百餘上為嫡皇孫字量弘深寬而能斷喜懼不形於色仁孝溫恭動必由禮幼而好學尤專禮易玄宗鍾愛之祿山之亂京城陷賊從蕭宗蒐兵靈武以上為天下兵馬元帥時朝廷草創兵募寡弱上推心示信招懷流散比至彭原兵衆數萬及肅宗迴幸鳳翔時房琯郭子儀繼戰不利賊鋒至乾元來寇襲上異求勇於頻挫其鋒聖慮遑寧士心大振及師至賊百官辭去步出關門方崇乘馬迴紇葉護王子率兵入助勇冠諸蕃上授以優恩結為兄弟安香積之戰賊徒大敗遂委西京而還上恩信結於士心

故人思自效既收京師... 之歆歆聞賊殘衆... 捷慶緒之黨... 率之功推而不受... 疾躬嘗藥膳衣不解... 四月肅宗大斬所幸... 宮中將圖廢立乙丑... 乃勒兵於凌霄門... 勒兵於三殿收捕... 於別殿丁卯肅宗... 已巳即皇帝位於... 是屬故求諸必當... 王适可天下兵馬... 元帥乙亥以兵部... 元帥行軍閑廐等... 使李

輔國進號尚父飛龍閑廐副使程元振為右監門將軍流宦官朱... 輝啖庭瑤陳仙甫等於黔中五月己卯朔以李輔國為司空兼中書... 令餘如故辛卯制曰三年之喪天下達禮苟或變革何以教人朕遣... 此閔凶攀號罔極公卿固請俾聽朝務斬焉綵經痛貫心靈豈可便... 議公除遠移諒闇昨見所司儀注今日十三日大祥十五日從吉仰... 憑遺制又欲抑予竊惟哀思深謂未可其百寮並以此釋服朕將繼... 武丁之道素冠之詩恭默再周不恐權奪凡庶在位宜悉哀懷宰臣... 苗晉卿等三十表請依遺制方聽政丙戌嗣魯王宇改封鄒王奉節... 郡王适進封魯王李光弼進封臨淮王貶禮部尚書蕭華為陝州司... 馬改行乾元錢重稜小錢一當二重稜大錢一當三丙申以戶部侍... 郎元載同中書門下平章事克度支轉運使改乾元大小錢並一當... 一丁酉御丹鳳樓大赦子儀光弼李光進諸道節度使並加實封四... 月十七日立功人並號寶應功臣内外文武官三品已上進爵四品... 已下加階諸州防禦使並停内外官三考一轉益昌郡王邈進封鄭

王延慶部三迥進封韓王故庶人皇后王氏故庶人太子瑛鄂王瑒
光王琚並宜復封號棣王琰永王璘並與昭雪建昌王追封齊王崇
恩王追封靈昌王追封鄆王壬寅以永瑱復為襄州刺史山南東
道節度使六月己酉朔百寮臨下西宮上不視朝自是每朔望皆如
之迄于山陵凡人臣有事辭見先臨西宮然後詣朝改豫州為蔡州
避上名也待中苗晉卿以老疾請三日一入中書從之己未罷尚父
李輔國判元帥行軍及兵部尚書閑廡節使輔國請遜位辛酉以輔
國為博陵王罷中書令許朝朔望壬申以通州刺史劉晏為戶部侍
郎兼御史大夫京兆尹克度支轉運鹽鐵諸道鑄錢等使秋七月己
卯朔辛巳觀軍容使魚朝恩封馮翊郡開國公宦官程元振為鎮軍
大將軍保定郡開國公乙酉襄州刺史裴義長流費州賜死於藍田
驛庚寅詔不許陞使閔投勳人文狀賜道州司馬敬羽自盡來瑱自
襄州來朝郭子儀白河中來朝八月己酉朔自七月不雨至此月癸
丑方雨庚午夜西北有赤光亘天貫紫微漸移東北彌漫半大照太

子少傅李遵為袁州刺史 台州賊袁晁陷台州連陷浙東州縣九月
丁丑朔魯王适改封雍王 以山南東道節度使來瑱為兵部尚書同
中書門下平章事節度如 故程元振進封邠國公丙申右僕射山陵
使裴冕貶施州刺史戊戌 迥統登里可汗率眾來助國討逆令御史
大夫尚衡宣慰之甲午大 州至陝州二百餘里黃河清澄澈見底甲
午祕書監韓穎中書舍人 劉烜配流嶺表尋賜死坐押暉李輔國也
冬十月辛酉詔天下兵馬 元帥雍王統河東朔方及諸道行營迴紇
等兵十餘萬討史朝義會 軍於陝州加朔方行營節度使大寧郡王
僕固懷恩同中書門下平 章事丁卯夜盜殺李輔國於其第竊首而
去戊辰元帥雍王率諸軍 進發留郭英乂魚朝恩鎮陝州壬申王帥
次洛陽北郊甲戌戰于橫 水賊大敗俘斬六萬計史朝義奔翼州乙
亥雍王奏收東京河陽汴 鄭滑相魏等州乙酉陝西節度使郭英乂
權知東京留守丁酉偽恒 州節度使張忠志以趙定深恒易五州歸
順以忠志檢校禮部尚書 恒州刺史克成德軍節度使賜姓名曰李

寶臣於是河北州郡悉平賊范陽尹李懷仙斬史朝義首來獻請降
十二月庚戌太子太師邠國公韋見素薨辛未傑固懷恩爲尚書左
僕射兼中書令靈州大都督庠長史河北副元帥邛州新置鎮南軍
是歲江東大疫死者過半吐蕃陷我臨洮秦成渭等州二年春正月
丁亥朔甲午戶部尚書兼御史大夫都統淮南節度觀察等使越國
公李峘卒國子祭酒兼御史大夫京兆尹劉晏爲吏部尚書同中書
門下平章事度支諸使如故壬寅制開府儀同三司行兵部尚書同
中書門下平章事克山東道節度觀察虢置等使上柱國潁國公來
瑱削在身官爵長流播州尋賜死于路閏月戊申以史朝義下降將
李寶臣爲檢校禮部尚書兼御史大夫恒州刺史清河郡王克成德
軍節度使薛嵩爲檢校刑部尚書相州刺史相衛等州節度使李懷
仙檢校兵部尚書兼侍中武威郡王幽州節度使田承嗣檢校戶部
尚書魏州刺史馮門郡王魏博等州都防禦使二月甲午迴紇登皇
可汗辭歸蕃三月甲辰朔襄州右兵馬使梁崇義殺大將李昭德於
自固乃授崇義襄州刺史山南東道節度使丁未袁叅破袁晁之衆
於浙東玄宗肅宗歸祔山陵自二月一日廢朝至於晦日百寮素服
詣延英門通名起居四月戊寅朔太州依舊爲華州太陰縣爲華陰
縣庚辰河南副元帥李光弼奏生擒袁晁浙東州縣盡平辛巳群臣
請上尊號五月癸卯朔丙寅尚書省試制舉人命左右丞侍郎對試
賜食如舊儀太常卿杜鴻漸奏婚奠合給鹵簿望於國立大功及二
等已上親則給餘不在給限從之六月癸酉朔癸未以陳鄭澤路節
度使李抱玉檢校司空封武威郡王河中節度使王昂檢校刑部尚
書封邛國公同華節度使李懷讓檢校工部尚書同日入省宰相
送上甲申以前淮西節度使王仲昇爲右羽林大將軍兼御史大夫
六軍將軍兼大夫自仲昇始也甲午觀軍容使魚朝恩自陝州入朝
上御達禮門命公卿百寮觀兵馬同華節度使李懷讓自殺爲程元
振所構秋七月壬寅朔戊申群臣上尊號曰寶應元聖文武皇帝御
含元殿受冊壬子御宣政殿宣制改元曰廣德大赦天下常赦不原

者咸赦除之安祿山史思明親族應在諸道一切原免不問民戶三
丁免一丁庸租稅依舊每畝二升男子二十成丁五十入老元帥雍
王兼尚書令河北副元帥僕固懷恩加大保迴紇登里可汗進徽號
功臣皆賜鐵券藏名太廟畫像凌煙閣刺史縣令自今後改轉刺史
以三年為限縣令四年為限負外及攝試不得釐務丁巳僕固瑒兼
御史大夫克朔方行營節度是月吐蕃大寇河隴陷我秦成渭三州
入大震關陷蘭廓河都朮岷等州盜有隴右之地八月以荆南節度
使李峴為宗正卿九月壬戌朔僕固懷恩拒命於汾州遣宰臣裴遵
慶徃宣撫之己丑吐蕃寇涇州刺史高暉以城降因為吐蕃鄉導冬
十月庚午朔辛未高暉引吐蕃犯京畿寇奉天武功盤屋等縣蕃軍
自司竹園渡渭循南山而東丙子駕幸陝州上出苑門射生將王獻
忠率四百騎叛脇豐王已下十王歸京從官多由南山諸谷赴行在
郭子儀收合散卒屯於商州丁丑次華州官吏藏竄無復儲擬舍魚
朝恩領神策軍自陝來迎駕乃幸朝恩軍戊寅吐蕃入京師立廣武
王承宏為帝仍逼前翰林學士于可封為制封拜辛巳車駕至陝州
子儀在商州會六軍使張知節烏崇福長孫全緒等率兵繼至軍威
遂振舊將王甫誘聚京城惡少齊擊街鼓於朱雀街蕃軍震懼狼狽
奔潰庚寅子儀收京城壬辰以辛臣元載判天下元帥行軍司馬京
兆尹兼吏部侍郎嚴武為黃門侍郎郎州刺史第五琦為京兆尹兼
御史大夫癸巳以郭子儀為京師守高暉聞吐蕃潰以三百騎東奔
至潼關為關守李伯越所殺十月辛丑朔大常博士柳伋上疏以
蕃寇犯京師罪由程元振請斬之以謝天下上其嘉納以元振有保
護之功削在身官爵放歸田甲十二月甲辰宣官市舶使呂太一逐
廣南節度使張體縱下大掠廣州丁亥車駕發陝州還京辛卯鄂州
大風火發江中焚船三千艘焚居人廬舍一千家甲午上至自陝州
乙未以侍中苗晉卿為太保黃門侍郎同平章事裴遵慶為太子少
傅並罷知政事宗正卿梁國公李峴為黃門侍郎同中書門下平章
事丙申放廣武王承宏于蕪州一切不問丁酉朔方行營節度使僕

固瑒為悵下梟言來獻懷恩聞瑒死燒營遁入叶蕃朝巨稱賀上不
悅曰朕之涼德信不及人致勳臣顛覆用增愧惡河至賀焉程元振
自三原縣衣婦人服入京城京兆府擒之以聞下御史臺鞠問吐
蕃陷松州維州雲山城籠城

二年春正月己亥朔壬寅御史臺以程元振獄狀聞配流溱州既行
追念舊勳特於遐裔令於江陵府安置甲辰復置京畿觀察使以御
史中丞領之癸卯尚書右丞顏真卿為刑部尚書兼御史大夫充朔
方宣慰使癸亥吏部尚書同平章事及支轉運使劉晏為太子賓客
黃門侍郎同平章事李峴為太子詹事並罷知政事以前右散騎常
侍王縉為黃門侍郎大常卿杜鴻漸為兵部侍郎並同中書門下平
章事罷度支使以戶部侍郎第五琦專判度支及諸道鹽鐵轉運鑄
錢等使甲子元帥尚書令雍王三上言議皇太子第五琦奏諸道置
常平倉使司量置本錢和糴許之丁卯司徒兼中書令郭子儀充河
東副元帥河中府等處觀察兼雲州大都督單于鎮北大都護二月己

巳朔冊大下兵馬元帥尚書令雍王適為皇太子癸酉上親薦獻大
清宮太廟乙亥祀吳天上帝於圓丘即日還宮戊寅以澧州刺史裴
冕為左僕射兼御史大夫充東都河南江南淮南轉運使己未第五
琦開決汴河五月丁酉朔戊午勅中書門下兩省加置散騎常侍四
員官為正三品庚申罷歲貢孝悌力田童子等科甲子禁細作珠翠
等委所司切加捉搦癸未制太保兼中書令靈州大都督府長史單
于鎮北副大都護充朔方節度開內度支營田鹽池押諸蕃部落副
大使知節度事六城水運使河北副元帥上柱國大寧郡王僕固懷
恩先任靈州大都督府長史揮鎮北副元帥朔方節度使宜並停其
太保兼尚書令大寧郡王如故七月己酉朔河南副元帥太尉兼侍
中臨淮王李光弼薨於徐州廢朝三日判度支第五琦兼京兆尹御
史大夫八月丁卯宰臣王縉為侍中持節都統河南淮南淮南山南
東道節度行營事進封太原郡公固讓侍郎從之宰相鴻漸判門
下省事癸巳王縉兼領東京留守九月乙未朔丙申詔發河中兵討

吐蕃將發是夜軍衆誼譟劫前所便崔寓家財及民家財產殆盡皆重裝而行吏不能禁自七月大雨未止京城米斗值一千文蝗食田丙午河東節度使辛雲京檢校內書右僕射同中書門下平章事太原尹北京留守已酉江南西道洪州刺史張鑑卒辛亥河東副元帥中書令汾陽郡王郭子儀充北道節度使空檢玉進位司徒充粟道通和吐蕃使鳳翔秦隴臨洮一不觀察使子儀二表懇讓太尉許之已未劍南節度嚴武攻拔吐蕃富猷城破蕃軍七萬尚書左丞楊綰知東京選禮部侍郎賈至知市都舉兩都分舉選自至始也辛酉以太子詹事李峴為吏部尚書兼御史大夫知江南東西及福建道選事并觀農宣慰使仍命洪州刺史李勉副知選事是秋蝗食田殆盡關輔尤甚米斗千錢冬十月丙寅僕固懷恩引吐蕃二萬寇邠州節度使白孝德閉城拒守丁卯寇奉天京師戒嚴先鋒郭晞斬賊營於邠州西俘斬數百計子儀屯涇陽蕃軍挑戰子儀不出甲申河南尹蘇震卒劍南嚴武奏收吐蕃鹽井城十一月乙未懷恩與蕃軍自潰京師解嚴丁未子儀自涇陽入覲詔宰臣百寮迎之於開遠門上御安福寺待之十二月乙丑加子儀關內河中副元帥兼尚書令吏部侍郎暢瓘為左散騎常侍河中尹子儀三表讓尚書令詞情懇切優詔從之丁卯夜星流如雨戊辰子儀於都省領副元帥事宰臣百寮送仍令射生五百騎戎服自光範門送至省門右僕射郭英又以樂迎之是日便赴奉天是歲戶部計帳管戶二百九十三萬三千一百二十五口一千六百九十二萬三百八十六

永泰元年春正月癸巳朔制曰叶五紀者建號以體元授四時者布和而順氣天心可見人欲是從爰立大中之道式受惟新之命朕嗣膺下武獲主萬方顧以薄德乘茲艱運戎麾問罪今已十年飲至策勲惟凶渠之授首勞師曠武豈人主之用心軍役屢興干戈未戢茫茫士庶斃于鋒鏑皇穹以朕為子蒼生以朕為父至德不能被物精誠不能動天俾我生靈淪於溝壑非朕之咎孰之過歟朕所以馭朽

懸旌坐而待曙勞懷罪已之念誕想安人之策亦惟羣公卿士百辟
庶寮咸聽朕命協宣乃力履清白之道還淳素之風率是黎元歸于
仁壽居臣一德何以尚茲迺者刑政不修惠化未洽既盡才力良多
抵犯靜惟哀矜實軫于懷今將大振綱維益明懲勸肇舉改元之典
弘敷在宥之澤可大赦天下改廣德三年爲永泰元年是日雪盈尺
戊申澤潞李抱玉兼鳳翔隴右節度使兼南道通和吐蕃鳳翔秦隴
臨洮已東觀察處置等使仍命四鎮行營節度使馬璘爲副和吐蕃使
癸丑罷岐州之鳳翔縣併入天興縣乙卯左散騎常侍高適卒戊午
劍南節度使嚴武加檢校吏部尚書山南節度使張獻誠加檢校工
部尚書以前太子少保王璵爲太子少師前袁州刺史李遵爲太子
少保聽朝朔望二月甲子夜雷霆震擊丁丑內出宮女千人品官六
百人守洛陽宮戊寅党項寇富平焚定陵寢殿庚辰儀王璿薨諸
陵署復隸太常寺戊子河西党項永定等十二州部落內屬請置宜
芳等十五州許之三月壬辰朔詔左僕射裴冕右僕射郭英乂太子

少傅裴遵慶檢校太子少保白志貞太子詹事臧希讓左散騎常侍
暢璀檢校刑部尚書王昂高昇檢校工部尚書崔渙吏部侍郎李季
卿王延昌禮部侍郎賈至涇王傅吳令瑤等十三人並集賢院待詔
上以勲臣罷節制者京師無職事乃合於禁門書院間以文儒公卿
寵之也仍特給殮奉錢三千貫庚子夜降霜木有冰歲饑米斗千錢
諸穀皆貴丙午鳳翔李抱玉讓司徒從之授左僕射同平章事庚戌
吐蕃請和詔宰臣元載杜鴻漸與蕃使同盟于興唐寺辛亥大風拔
木是春大旱京師米貴斛至萬錢夏四月己巳乃雨戊子太保致仕
苗晉卿薨庚寅劍南節度使檢校吏部尚書嚴武卒五月癸丑以尚
書右僕射定襄郡王郭英乂爲成都尹御史大夫充劍南節度使是
月麥稔判度支第五琦奏請十畝稅一畝效古什一而徵從之六月
癸亥吏部尚書李峴南選廻至江陵貶衢州刺史自春無雷至此月
甲申大風而雷代州置代北軍平州置柳城析通州石鼓縣置巴渠
縣隴七月辛卯朔淄青節度使侯希逸爲副將李懷王所逐制以鄭

王邈為平盧淄青節度使令懷王權知留後事以久旱遣近臣分錄京城諸獄繫囚甲午昇平公主出降駙馬都尉郭曖庚子雨時久旱京師米斗一千四百他穀食稱是八月乙亥河南道副元帥涇州節度使馬璘封扶風郡王九月辛卯太白經天丁酉僕固懷恩死靈州之鳴沙縣時懷恩誘吐蕃數十萬寇邠州客將尚品息賚磨尚悉東贊等寇奉天醴泉党項羌渾奴刺寇同州及奉天逼鳳翔府蓋屋縣京師戒嚴以星變羌虜入寇內出仁王佛經兩齋付資聖西明二佛寺置百尺高座講之及奴虜寇逼京畿方罷講巴西郭子儀自河中至進屯涇陽李忠臣屯東渭橋李光進屯雲陽馬璘郝王屯便橋駱奉仙李伯馘屯盤屋李抱玉屯鳳翔周智光屯同州杜冕屯坊州上親率六軍屯苑內庚戌下詔親征內官魚朝恩上言請括私馬京城男子悉單衣團結塞京城二門之一士庶大駭有踰垣鑿竇出城者更不能禁自丙午至甲寅大雨平地水流丁巳吐蕃大掠京畿男女數萬計焚廬舍而去同華節度周智光以兵追擊于澄城破賊萬計冬十月己未復講仁王經於資聖寺吐蕃至邠州與迴紇相遇復合從入寇辛酉逼奉天癸亥党項攻同州焚州民廬舍丁丑郭子儀說諭迴紇令與吐蕃疑貳庚辰子儀先鋒將白元光合迴紇軍擊吐蕃之眾於靈臺縣之西原斬首五萬級俘獲人畜凡三百里又絕辛巳京師解嚴壬午僕固懷恩大將僕固名臣以千騎來降詔稅百官錢市絹十萬以賞迴紇乙酉迴紇首領胡祿都督來朝癸卯朔方將李迥方奏收靈武郡丁亥分宣饒歙戶口於蘄浦縣置池州分信州弋陽置貴溪縣閏十月辛卯以京兆少尹黎幹為京兆尹丙午封朔方大將孫守亮等九人為異姓王李國巨等十三人為同姓王丁亥百寮上表以軍興急於糧餉請納職田以助費從之戊申進封渭北節度使李光進為武威郡王以刑部侍郎路嗣志檢校工部尚書兼御史大夫靈州大都督府長史元陽內副元帥兼知朔方節度等使劍南節度使郭英又為其檢校中兵馬使在軒轅殺邛州節度使瀘州楊子琳劍南李昌夔皆起兵討軒轅中亂十一月宰臣

河南都統王縉請減諸道軍資錢口十萬實修洛陽宮從之十二月
己酉勅如聞諸州承木道節度舊察使除科役百姓致戶口凋弊此
後委轉運使察訪以聞

二年春正月丁巳朔大雪平地二尺壬申減子孫襲實封者十程永
為常式乙酉制治道同歸師氏為上化人成俗必務于學後迄之士
皆從此途國之書遊罔不受業修文行忠信之教崇祗庸孝友之德
盡其師道乃謂成人然後揚于王庭敷以政事徵之以理任之以官
實於周行莫匪邦彥樂得賢也其在茲乎朕志承理體尤重儒術先
王設教敢不虔行頃以戎狄多虞急於經略太學空設諸生蓋寡絃
誦之地寂寥無聲函丈之問殆將不掃上庠及此甚用閔焉今寓縣
人寧文武並備方投戈而講藝俾釋菜以行禮使四科咸進六藝復
興神人以和風化浸美日用此道將無間然其諸道節度觀察都防
禦等使朕之腹心久鎮方面眷其子弟為奉義方修德立身是資藝
業恐十戈之後學校尚微僻居遠方無所咨稟負經來學宜集京師

其宰相朝官六軍諸將子弟欲得習學可並補國子學生其中
有官欲附學讀書者亦聽其學官委中書門下選行業堪為師範者
其學生貢數所習經業供承糧料增修學館委本司條奏以聞丙戌
以戶部尚書劉晏充東都京畿河南淮南江南東西道湖南荆南山
南東道轉運平鑄錢鹽鐵等使以戶部侍郎第五琦充京畿關內河
東劍南西道轉運常平鑄錢鹽鐵使至是天下財賦始分理焉二月
丁亥朔釋奠於國學賜宰臣百官殮錢五百貫於國學食壬辰鎮南
都護依舊為安南都護府乙未貶刑部尚書顏真卿為峽州貞外刑
駕以不附元載載陷之於罪也壬子命黃門侍郎同平章事杜鴻漸
兼成都尹持節充山南西道劍南東川等道副元帥仍充劍南西川
節度使以平郭英之亂也以四鎮行營節度使馬璘兼邠州刺史
癸丑以山南西道節度使梁州刺史張獻誠兼充劍南東川節度觀
察使中州刺史柏崇充功南防禦使劍南西山二馬使崔珣為茂
州刺史充劍南西山防禦使從杜鴻漸請也三月辛未張獻誠懇崔珣

戰于梓州為旣敗借以自免夏四月辛亥詔尚書省郎中授中州
刺史貞外郎授一州刺史為定制五月丙辰稅言苗地錢使殿中侍
御韋光裔諸道稅地迴三歲得錢四百九十萬貫自乾元已未天下
用兵百官俸錢亦乃議於天下地畝青苗上量配稅錢命御史府差
使徵之以充百官俸料每年據數均給之歲以為常式六月戊戌以
淮南節度使崔回檢校尚書右僕射自春旱此月庚子始雨丁未日
重輪其夜月重輪種七月辛酉檢校兵部尚書衢州刺史李峴卒自
五月大雨涔水泛溢漂溺居人廬舍二十坊河南諸州水加荆南節
度使衛伯玉檢校工部尚書癸未太廟二室芝草生八月丁亥國子
監釋奠復用牲牢上元二年詔諸祠獻熟至是魚朝恩請復舊制壬
寅以茂州刺史崔旰為成都尹兼御史大夫劔南西川節度行軍司
馬邛南防禦使邛州刺史栢茂林為邛南節度使從杜鴻漸所請也
癸卯太子少保裴遵慶為吏部尚書吏部尚書崔寓為太子少傅甲
辰以開府儀同三司右監衛大將軍觀軍容宣慰處置使神策軍兵
馬使上柱國馮翊郡開國公魚朝恩加內侍監判國子監事充鴻臚
禮賓等使進封鄭國公辛亥以檢校禮部尚書裴士淹充禮儀使九
月庚申京兆尹黎幹以京城薪炭不給奏開漕渠自南山谷口入京
城至薦福寺東街北抵景風延喜門入苑闊八尺深一丈渠成是日
上幸安福門以觀之丙子宣州刺史李佚坐賊二十四萬貫集眾杖
死籍沒其家冬十月癸未朔已丑宗正卿吳王祗奏上皇室永泰新
論二十卷太常博士柳芳撰和蕃使楊濟與蕃使論位藏等來朝丙
申令宰臣宴論位藏於中書省十一月甲寅乾陵令於陵署得赤兔
以獻丙辰詔古者量其國用而立稅典必於經費由之重輕公田之
籍可謂通制履畝而稅斯誠弊法所期折中以便於時億兆不康君
孰與足故愛人之體先以博施富國之源必均節用朕自臨宸極比
屬艱難嘗欲闡淳朴之風守冲儉之道每念黎庶思致和平而邊事
猶殷戎車屢駕軍興取給皆出邦畿九伐之師尚勤王略千金之費
重困吾人乃者導冉有之言守周公之制什而稅一務於行古今則

編戶流亡而墾田減稅計量入之數甚倍征之法納隍之懼當宁軫懷慮失三農憂深萬姓務從省約稍異蠲除用甲勤卹之懷以救惻嫠之弊京兆府今年合徵八十二萬五千石數內宜減放一十七萬五千石青苗地頭錢宜二分取一在京諸司官貪久不請俸頗聞艱辛其諸州府縣官及折衝府官職田據苗子多少三分取一隨處糶貨市輕貨以送上都納青苗錢庫以助均給百官甲子日長至上御含元殿下制大赦天下改永泰二年為大曆元年十二月己亥慧起匏瓜其長尺餘犯宦者星癸卯同華節度使周智光專殺陝州監軍張志斌前虢州刺史龐充據華州謀叛是冬雪

二年春正月壬子朔丁巳密詔關內河東副元帥郭子儀治兵討周智光壬戌貶智光為澧州刺史甲子以兵部侍郎張仲光為華州刺史潼關防禦使大理卿敬括為同州刺史長春宮等使是日周智光帳下將斬智光并子元耀元幹三首傳之以獻己巳詔潼關置兵二千癸酉詔天文著象職在於疇人識緯不經蠹深於疑衆蓋有國之禁

非私家所藏雖裨寵明徵子產尚推之人事王彤必驗景略猶實於典刑况勳皆訛謬率是矯誣者乎故聖人以經籍之義資理化之本側言曲學寔紊大猷左道之亂政俾彝倫而攸叙自四方多故一紀于茲或有妄庸輒陳休咎假造符命私習星曆共肆窮鄉之辯相傳委巷之譚作偽多端順非僥澤焚惑州縣誣誤問閭壞紀挾邪莫逾於此其玄象器局天文圖書七曜曆太一雷公式等私家不合輒有今後天下諸州府切宜禁斷本處分明榜示嚴加提搦先藏蓄此等書者勅到十日內送官本處長吏集衆焚毀限外隱藏為人所告者先決一百畱禁奏聞所告人有官即與超資注擬無官者給賞錢五百貫兩京委御史臺處分各州方面勳臣洎百僚庶尹罔不誠亮王室簡于朕心無近儉人慎乃有位端本靜末其誠之哉丁丑昇魏州為大都督府戊寅勅同華兩州頃因盜據民凋殘宜給復二年一切蠲免庚辰禁王公宗子郡縣主之家不得與軍將婚姻文好委御史臺察訪彈奏二月壬午幸昆明池踏青丙戌封華州牙將姚懷為

感義郡王李延後為承化郡王以斬智光之功也郭子儀自河中来朝癸卯宰臣元載王縉左僕射裴冕戶部侍郎第五琦京兆尹黎幹各出錢三十萬置宴於子儀之第三月辛亥夜大風丁巳河中府獻玄狐汴宋節度使田神功來朝戊辰貶太子少保李遵永州司馬坐賊也甲戌魚朝恩宴子儀宰相節度度支使京兆尹於私第乙亥子儀亦置宴于其第戊寅田神功宴于其第時以子儀元臣寇難漸平蹈舞王化乃置酒連宴酒酣皆起舞公卿大臣列坐於席者百八子儀朝恩神功一宴費至十萬貫夏四月己亥以江南西道都團練觀察等使洪州刺史李冕為京兆尹刑部侍郎魏少遊為洪州刺史兼御史大夫江西觀察團練等使庚子宰臣內侍魚朝恩與吐蕃同盟於唐興寺丙午加田神功檢校右僕射癸酉以工部侍郎徐浩為廣州刺史嶺南節度觀察使六月戊戌山南劔南副元帥杜鴻漸自蜀入朝壬寅荆南節度使衛伯玉封城縣郡王癸卯御史大夫王翊卒秋七月八日朔以右散騎常侍于休烈為檢校工部尚書知省事時方面勳臣昇八座者多非正員朝命正員者以知省事為名以中書舍人張延賞檢校河南尹丙寅以劔南西川節度行軍司馬崔旰劔南節度觀察等使遂州刺史杜濟為劔南東川節度觀察等使以杭州刺史張伯儀為安南都護癸酉析道州延唐縣置大曆縣甲戌酉時有白氣竟天八月庚辰鳳翔節度使李抱玉來朝壬午月入氐丙戌渤海朝貢辛卯潭衡水災丙申月犯畢壬寅太常卿駙馬都尉姜慶初得罪賜自盡勅陵廟署復隸宗正寺九月戊申朔歲星守東井七日甲寅吐蕃寇靈州進寇邠州詔子儀率師三萬自河中鎮涇陽京師戒嚴戊午夜白霧起西北竟天子儀移鎮奉天乙丑晝有大流星出于午没于亥命左丞李涵宣慰河北熒惑犯南斗辛未靺鞨使來朝桂州山獠陷州城刺史李良遁去十月戊寅靈州奏破吐蕃二萬京師解嚴甲申減京官職田三分之一給軍糧乙酉醴泉出于櫟陽飲之愈疾迴紇党項使來朝癸卯上御紫宸殿策試茂才異行安貧樂道孝悌力田高蹈不仕等四科舉人十一月庚申改黃門侍郎

依舊為門下侍郎詔曰春秋以九命作上公而謂之宰臣者三公之職漢制中書令出納詔命典司樞密侍中上殿稱制參議政事魏晉已還益重其任職有關於公府事不係於尚書雖陳啓沃之謀未專宰臣之稱所以委遇斯大品秩非崇至于國朝實執其政當左輔右弼之寄總代天理物之名典領百寮陶鎔景化豈可具瞻之地命數不加固當進以等威副其僉屬其侍中中書令宜昇入正二品門下中書侍郎昇入正三品壬戌夜月暈南北河東并鎮星入輿鬼久之方散甲子月去軒轅一尺已丑率百官京城士庶出錢以助軍壬申京師地震自東北來其聲如雷十二月甲申鳳翔李抱玉來朝丁酉太原節度使辛雲京來朝癸酉入壁壘戊戌黑氣如塵竟北方是秋河東河南淮南浙江東西福建等道五十五州奏水災

三年春正月丙午朔辛亥劍南西山罷乾州管招武寧遠二縣壬子夜月掩畢甲子冊新羅國王金乾運母為太妃甲戌以工部侍郎蔣滂為尚書左丞江西團練觀察使蘇州刺史元甫為尚書右丞左

州刺史李樞鈞蘇州刺史兼御史中丞浙西團練觀察使壬午汭寧節餽馬璘來朝三月乙巳朔日有蝕之壬申到恒州衛唐縣置涿州以靈壽恒陽隸之夏四月戊寅以山南西道節度使鄧國公張獻誠為檢校戶部尚書以疾辭位也右羽林將軍張獻恭為梁州刺史兼御史中丞充山南西道節度觀察使兄獻誠所薦也壬寅滑毫節度使令狐彰加檢校工部尚書劍南西川節度使兼御史大夫崔旰來朝五月戊申加崔旰檢校右散騎常侍乙卯追謚故齊王倓為承天皇帝興信公主二女張氏為恭順皇后祔葬辛酉改桂州臨源縣為全義縣癸酉以左散騎常侍崔昭為京兆尹是日地震戊辰以劍南西川節度使崔旰檢校工部尚書改名寧寧為栢茂林楊子琳所攻寧旣入朝子琳乘虛襲據成都府朝廷憂之即日詔寧還成都庚午以邛州刺史鮮于叔明為梓州刺史充劍南東川節度使六月戊子承天皇帝祔奉天皇帝廟同殿異室庚寅太子少師王璵卒壬辰幽

州節度使檢校侍中幽州大都督府長史李懷仙為麾下兵馬使朱
希彩所殺庚子淮南節度使檢校尚書左僕射知省事揚州大都督
府長史趙國公崔圓卒閏月己酉郭子儀加司徒庚申宰臣充河南
副元帥王縉兼幽州節度使以尚書右承奉元甫揚州大都督府長
史兼御史大夫充淮南節度觀察等使丁卯以幽州節度副使試太
常卿朱希彩知幽州舊後遣兵部侍郎李涵兼御史大夫使河北宣
慰以幽州亂故也庚午相州薛嵩魏州田承嗣恒州李寶臣並加左
右僕射七月壬申崔寧弟實攻破楊子琳收復成都府是月五星
並聚於東井占曰中國之利也乙亥王縉赴鎮州八月己未月掩畢
辛酉月入東井壬戌吐蕃十萬寇靈武焚感犯太微垣丁卯吐蕃寇
邠州京師戒嚴戊辰邠寧節度使馬璘破吐蕃二萬於邠州御史大
夫崔魚為稅地青苗錢使給百官俸錢不平詔尚書左丞蔣渙按鞫
貶崔渙為道州刺史庚午河東節度使檢校左僕射太原尹同中書
門下平章事辛雲京卒門下侍郎同中書門下平章事兼幽州長史

持節河南副元帥都統河南淮西山南東道諸節度行營兼幽州
龍等軍節度使太微宮使弘文館大學士兼東都留守齊國公王
兼大原尹北都留守充河東軍節度使並如故辛未以門下侍
郎同中書門下平章事山劔副元帥太清宮使崇玄館大學士杜建
漸兼東都留守九月壬申郭子儀自河中移鎮奉天歲星入輿鬼丁
丑濟王環薨焚感入太微垣壬午吐蕃寇靈州甲申以尚書左丞
渙為華州刺史充鎮國軍潼關防禦使丙戌檢校工部尚書知卷事
鄧州國公張獻誠卒丁亥工部尚書趙國珍卒庚寅以前華州刺史
張重光為尚書左丞壬辰靈州將白元光破吐蕃二萬於靈武戊戌
靈武奏破吐蕃六萬百寮稱賀京師解嚴冬十月甲寅朔方畱後靈
武大都督府長史常讓光加檢校工部尚書乙未以京兆尹李勉為
廣州刺史充嶺南節度使丁卯子儀自奉天來朝十一月丁亥幽州
畱後朱希彩為幽州長史充幽州盧龍節度使癸巳加廊下百官厨
料增舊五分之一十二月壬寅道州刺史崔渙卒己酉以邠寧節度

使馬璘為涇原節度移鎮涇州其邠寧割穎朔方軍邠州將吏以燒馬坊為亂兵馬使段秀實斬其兇首八人方定

四年春正月庚午朔甲戌大風乙亥大雪平地盈尺甲申日有蝕之子儀回河中戊子勅有司定王公士庶每戶秋錢分上中下三等三室穎州刺史李姑專殺法司以議親宜賜自盡乙未福建觀察使李承昭請徙汀州於長汀縣之白石村從之黑衣大食國使朝貢二月乙巳以瀘州刺史楊子琳為陝州刺史乙卯宰臣杜鴻漸讓山劔元帥從之丙辰夜地震有聲如雷者三辛酉以湖南都團練觀察使衡州刺史韋之晉為潭州刺史因是徙湖南軍於潭州江西團練使魏少遊來朝三月壬申詔夫計人而置官度事而賦任因時立制指益在焉吏足以理人人足以奉吏則官稱其祿祿當其秩然後上下相樂公私不匱昔漢光武時及魏太和中並減吏員兼省鄉邑致理之道此其一隅今連歲治戎天下凋瘵京師近甸煩苦尤重比屋流散念之惻然人寡吏多困於供費欲其蘇息不可得也設令廉賦

分以奉科條猶有祿廩之煩役使之弊而況貪猾縱欲而動踰典章作威以震下厚歛以潤已者乎古者縣置大夫一員足以為治矣必貳佐分掌而後治耶且京畿戶口減耗大半職員如舊何以堪之豈可以重困之人供不給之費使人不倦其在變通制事之宜式從省便其京兆府長安萬年宜各減丞一員尉兩員餘縣各減丞尉一員餘委吏部條件處分吏部尚書裴遵慶為右僕射劉晏改吏部尚書庚寅江西團練使魏少遊封趙國公丙申復置仙州夏四月壬寅陝州虞邑縣復為安邑縣號州天平縣復為湖城縣五月丙戌京師地震辛卯以僕固懷安女為崇徽公主嫁迴紇可汗仍令兵部侍郎李涵往冊命六月一酉以太子詹事臧希讓檢校工部尚書充渭北節度以渭北節度李光進為太子太保辛亥昇辰州為都督府析辰巫溪錦業等州置團練觀察使秋七月己丑以澧州刺史崔瑾為潭州刺史湖南鳳翔移鎮盤石鳳翔軍忿發縱兵大掠數日方止己亥廢仙川襄城葉縣隸汝州詔罷魚朝恩觀軍容使己巳朝恩自縊而死戊

寅詔定京兆府戶稅夏稅上田畝稅六升下田四升秋稅上田畝五
升下田三升荒田開墾者二升已丑勅唐虞之際內有百揆庶政惟
和至于宗周六卿分職以信九牧書曰龍作納言帝命惟允詩云仲
山甫王之喉舌皆尚書之任也雖西漢以二府分理東京以三公總
務至于領錄天下之綱綜覈萬事之要邦國善否出納之由莫不處
正於會府也令僕以綜詳朝政丞郎以彌綸國典法天地而分四序
配星辰而統五行元本於是乎在九卿之職亦中臺之輔助小大之
政多所關決自王室多難一紀于茲東征西伐略無寧歲內外荐費
徵求調發皆迫於國計切於軍期率於權便裁之新書從事且移當
時之急殊非致理之道今外虞既平罔不率俾天時人事表裏相符
將明畫一之法大布惟新之命陶甄化源去末歸本魏晉有度支尚
書校計軍國之用國朝但以郎官署領辦集有餘時艱之後方立便
額參佐既衆簿書轉煩終無弘益又失事體其度支使及關內河東
山南西道初南西川轉運常平鹽鐵等使宜停禮儀之本職在奉常

往年置使因循未改有班舊制實曠司存委太常卿自舉本職莫使
宜停漢朝丞相與公卿已下五日一決事帝親斷可否且國之安危
不獨注於將相攷之理亂固亦在於庶官尚書侍郎左右丞及九卿
參領要重朕所親倚固當朝夕進見以之匡益也並宜詳校所掌具
陳損益如非時宜須有奏議亦聽詣閣請對當親覽其意擇善而從朕
受昊天之感命承累聖之鴻業齊心綜慮夙夜憂勞顧以不敏不明
薄於德化致使舊章多廢主理未弘其心愧恥終食三歎雖詔書屢
下以申振卹且朝典未修猶深憂悼恩與百辟卿士勵精於理俾國
經王道可舉而名臣以承爾位諸州置屯亦宜停于是悉以
度支之務委丞相兼領以兵部侍郎兼領為京兆尹以京西兵馬
使李忠臣為鳳翔尹代皇甫溫溫為鳳州刺史子湖南都團練使崔
灌為都團練使使鳳翔尹代皇甫溫溫為鳳州刺史子湖南都團練使崔
欣然而奉上禍亂不作法令可施去聖久遠薄於教化簡書填委獄
訟煩興苛吏無文克人致辟思欲改行厥路無由豈天地父母

甲宰臣太原尹王綱入朝五月辛未刑部侍郎黎幹為桂州刺史桂
管防禦經略招討觀察等使己卯夜等起北方其色白庚辰敗禮儀
使禮部尚書裴士淹為處州刺史戶部侍郎判度支第五琦為饒州
刺史皆負朝恩黨也元載既誅朝恩下制置使仍放黜之癸未以羽
林大將軍辛京果為潭州刺史湖南觀察使甲申西北白氣竟徙置
當悉相讒恭五州於山險要害地備吐番也六月己未彗星始滅赦
天下見禁囚徒秋七月丁卯以浙東觀察使越州刺史御史大夫薛
兼訓為檢校工部尚書太原尹比都雷守充河東節度使是月京城
米斗一千文八月辛卯宰臣元載上疏請置中都於河中府秋杪行
幸春中還京以避蕃戎侵寇之患疏入不報載疏大旨以關輔河東
等十州戶稅入奉京師創置精兵五萬以威四方辭多押闔欲權歸
於已也九月丁丑以宣歙池等州都團練觀察使宣州刺史兼御史
中丞陳少遊充浙江東道團練觀察使吐蕃寇永壽汴州田神功來
朝十二月乙未改巫州為渝州業州為蔣州

六年春正月己未朔戊寅於鄜州之析城置肅戍軍二月乙酉御
大夫敬括卒夏四月丁巳上御宣政殿試制舉人至夕策未成者令
太官給燭俾盡其才己未澧州刺史楊子琳來朝賜名猷丁丑改泉
州為充州戊寅詔纂組文繡止害女紅令師旅未息黎元空虛豈可使
淫巧之風有虧常制其綾綿花文所織盤龍對鳳麒麟獅子天馬辟
邪孔雀仙鶴芝草萬字雙勝透背及大綱綿竭鑿六破已上並宜禁
斷其長行高麗白錦大小花綾錦任依舊例織造有司明行曉諭五
月癸卯以河南尹張延賞為御史大夫秋七月乙巳月掩畢八月乙
卯淮南節度使韋元甫卒丙辰以東都副留守常休明為檢校左散
騎常侍河陽三城使夏三此月己未始雨庚午以御史大夫張延賞
為揚州大都督府長史淮南節度使丙午以蘇州刺史浙江觀察使
李栖筠為御史大夫丁丑獲白兔於太極殿之內廊庚辰夜月入紫
微垣九月壬辰夜熒惑犯哭星自八月連雨害秋稼戊申於輪臺置
靜塞軍辛亥熒惑入壁壘冬十月壬午滄州置橫海軍十一月己亥

文單國王婆彌末朝獻馴象一十一壬寅夜月入太微又掩氏十二
月己未江西觀察使檢校刑部尚書魏少遊卒庚午制以文單王婆
彌為開府儀同三司試殿中監是歲春旱米斛至萬錢
七年春正月癸未朔戊子於魏州頓丘縣置澧州以頓
店置觀城縣以張之清豐店置清豐縣并割魏州之臨黃
以其州臨清縣之張橋店置永濟縣乙未月犯軒轅庚
子以檢校戶部尚書路嗣恭為洪州刺史兼御史大夫江西觀察使
辛丑太常卿楊綰兼充禮儀使甲辰迴紇使出鴻臚寺劫掠坊市吏
不能禁止復三百騎犯金光朱雀等門是日皇城諸門皆閉慰諭之
方止二月甲寅以兵部侍郎李涵為蘇州刺史兼御史中丞充浙西
觀察使鎮星臨太微戊午夜月掩天關三月壬辰詔諫議大夫置四
頁為定四月甲寅迴紇王子李秉義卒歸國宿衛賜名也五月乙酉
雨雹大風摧樹丙戌夜月入太微辛卯徙忻州之七聖容於太原府
之紫極宮乙未詔濟於道者化淳而刑措善於理者網舉而網踈朕
涉道未弘燭

多亦遐想太古高挹玄風保合太和在宥天下蓋德薄而
致也是用因時以設教便俗以立防務盡平恕用申哀卹又化淺而
多犯也加以邊虞未戢徃賦適繁荒廢之際寇攘斯起遂令園土嘉
石之下積有繫囚竹章牙簡之中困於法吏屬盛陽之候大暑分蒸
仍念狴牢何堪鬱灼所以汨傷和氣感致咎徵天道人事豈相遠也
如聞天下諸州或憇時雨首種不入宿麥未登哀我矜人何時不恐
皆由朕過益用懼焉惕然憂嗟深自咎責所以減膳徹樂別居齊宮
禱于神明冀獲嘉應仲夏之月靜事無為以助晏陰以弘長養斷滄
決小已過於麥秋繼長增高宜順乎天意可大赦天下凡禁囚徒罪
無輕重一切釋放癸亥以檢校禮部尚書蔣渙充東都留守六月庚
戌朔有司言日蝕陰雲不見丁丑詔誠薄葬不得造假花果及金手
脫寶鈿等物秋七月癸巳迴紇蕃客奪長安縣令邵說所乘馬人吏
不能禁八月庚戌賜北庭都護曹令忠姓名曰李元忠九月乙未工
部尚書于休烈卒冬十一月壬子上畋于苑中矢一發貫二兔從臣皆

賀辛未以權知幽州盧龍節度留後朱泚檢校左散騎常侍充幽州
盧龍節度使丙子以大府卿呂崇賁為廣州都督充嶺南節度使十
一月庚辰詔自頃蕃戎入寇巴南屢多征役其巴逢渠集壁充通問
等州宜放二年租庸甲申以福建觀察使李承昭為禮部尚書華州
刺史李琦為福州刺史福建都團練觀察使辛卯以嶺南節度李勉
為工部尚書十二月丙寅雨土是夜長星出於參辛未滑州置永平
軍壬子禁鑄銅器癸酉大雪是秋稔迴紇吐蕃大食渤海室韋靺鞨
契丹奚牂牁康國石國並遣使朝貢

八年春正月丁丑朔壬午昭義軍節度檢校右僕射相州刺史薛嵩
卒癸卯勅天下青苗地頭錢每畝十五文率京畿三十文自今一例

丁五文京官三品已上郎官御史每年各舉一人堪為刺史縣令者
甲子御史大夫李栖筠彈吏部侍郎徐京五品以上各上封事言政
得失是歲大有年己丑夜太白入太微甲午東 留守蔣瓊兼知東
都貢舉戊戌以辰錦觀察使李昌巽為桂州刺史 桂管防禦觀察使

隨而噪之神策將張白芬射斃以獻冬十月癸卯魏博田承嗣加同
平章事丁巳夜月掩畢吐蕃寇涇州邠州甲子子儀先鋒將渾瑊與
吐蕃戰于宜祿我師不利瑊與涇原馬璘極力追躡蕃軍潰去乙丑
以江西觀察使路嗣恭為廣州刺史充嶺南節度使封翼國公以浙
東觀察使越州刺史陳少遊為揚州大都督府長史充淮南節度使
戊辰郭子儀奏破吐蕃十萬百寮稱賀十月己卯夜月入羽林癸巳
月入太微十一月壬寅朔庚戌汴宋節度使田神功來朝辛酉淮西
節度使李忠臣來朝十二月癸酉月入羽林自冬無雪是歲大有年
九年春正月庚子朔壬寅汴宋節度使太子少師檢校尚書右僕射
兼御史大夫汴州刺史田神功卒澧朗兩州鎮遏使澧州刺史揚猷
擅浮江而下至鄂州詔許赴汝州遂泝漢而上復鄂襄等州皆閉城
拒之二月己丑以田神功弟神玉權知汴宋留後癸巳郭子儀自邠
州來朝李抱玉自鳳翔來朝三月丙午禁畿內漁獵採捕自正月至

五月晦永爲常式戊子以澧州刺史楊猷爲沅州刺史丁卯幽州徐
浩薛邕違格並停知選事壬申永平軍節度使檢校右僕射滑州刺
史霍國公令狐彰卒遺表薦劉晏李勉代己丙子以工部尚書李勉
兼御史大夫滑州刺史充永平軍節度滑臺觀察等使夏四月戊申
乾陵上仙觀之尊殿有雙鵲啣紫泥補殿之隙缺凡十五處戊午以
太僕卿吳仲孺爲鄂州刺史鄂嶽沔等州團練觀察使五月乙酉貶
吏部侍郎徐浩明州別駕薛邕歙州刺史京兆尹杜濟杭州刺史皆
坐典選也以太府卿子頎爲京兆尹辛卯鄭王邈薨贈昭靜太子壬
辰曲赦京城繫囚癸卯詔赦天下繫囚死罪降從流流已下並放六
月隴州華亭縣置義寧軍癸亥戶部侍郎判度支韓滉奏安邑鹽池
生乳鹽是夏城奉天以備蕃寇秋七月己卯太白入東井乙未月掩
畢八月甲寅詔吏部尚書劉晏知三銓選事己未吐蕃寇靈武庚午
靈武奏蕃軍退去辛未幽州節度使朱泚弟滔率五千騎來朝請河
西防秋詔千騎逐於國門許自皇城南面出開遠門赴涇州行營元
月癸酉臨晉公主薨壬午嶺南節度使廣州刺史呂崇贄爲部將哥
舒晃所殺癸未晉州男子郇謨以麻辮髮持竹筐及葶席哭於東市
請進二十字如不稱旨請裹尸於席筐上召見賜衣館之禁中丙二
字曰監團欲去諸道監軍團練使也丁亥貶左巡使殿中侍御史楊
護以其抑郇謨而不上聞也戊子詔節度朱泚加檢校戶部尚書封
懷寧郡王夏四月丁丑月入太微己卯以桂管觀察使黎幹爲京兆
尹兼御史大夫甲申中書舍人常袞率兩省官一十八人詣閣請論
事詔三人引各盡所懷乙酉詔郭子儀等大閱兵師以備吐蕃壬辰
詔赦大辟已下繫囚無輕重釋放乙未華陽公主薨上悲惜之累日
不聽朝宰臣抗疏陳請之庚戌憲沅州庚申詔度支使支七十萬貫
轉運使五十萬貫和糴歲豐糴錢也乙丑詔西師之內方協大寧西
戎無馱獨阻王命不可忘戰尚勞邊事朕頃以兵革之後軍國空耗
躬率節儉務勤農桑上玄儲休仍歲大稔益用少愧不知其然雖屬
此人和近於家給而邊穀未備猶虛因其天時致豐積將設

平糶以之餽軍然以中都所儲府不足相充常入之數豈齊倍餘之收其在方面蓋臣成茲大佐公家之急以養天下之儲每道歲有防秋兵馬其淮南四千人荆南二千人魏博四千人昭義二千人成德三千人山南東道三千人山南西道三千人山南西道二千人鄂岳一千五百人宣歙三千人福建一千五百人其嶺南東浙西亦各州路遠往來增費各委本道每年取當使諸錢及迴易利潤贖錢等每人計二十貫每道據合配防秋人數多少都計錢數而輕貨送納上都以備和糶仍以秋收送畢涇原節度使馬璘來朝內宣加馬璘尚書左僕射知省事璘諷將士進狀求宰相故有是授幽州節度使朱泚遣弟滔奉表請自入朝兼自率五千騎防秋許之詔所司築第待之己卯月掩南斗庚辰月入太微秋七月甲辰月掩房又入羽林久旱京兆尹黎幹歷禱諸祠未雨又請禱文宣廟上曰丘之禱久矣八月辛未以號州刺史宋瑒為同州刺史充長春宮營田等使戊寅以陝州

大都督府長史皇甫溫為越州刺史充浙東觀察使辛卯月掩軒轅九月庚子幽州節度使朱泚來朝乙巳渭北節度使坊州刺史臧希讓卒是秋大雨冬十月壬申信安王瑄薨乙亥梁王璿薨以前宣州刺史李廣琛為右散騎常侍十一月戊戌大雪平地盈尺庚子以商州刺史李國清為陝州大都督府長史充陝州觀察使十二月庚寅以中書舍人楊炎秘書少監韋肇並為吏部侍郎中書舍人常袞為禮部侍郎壬辰赦京繫囚死罪降從流流已下並釋放十年春正月乙未朔己酉昭義牙將裴志清逐其帥薛平奔洛州上章待罪志清率眾歸田承嗣壬寅壽王瑁薨乙未朱泚抗表乞留京師西征吐蕃請以弟滔權為幽州留後許之以昭義將薛擇為相州刺史薛雄為衛州刺史薛堅為洛州刺史皆高之族人也戊申遣使慰諭田承嗣令各守封疆承嗣不奉詔壬子兖州復為果州癸丑田承嗣盜取洛州又破衛州二日乙丑盜殺衛州刺史薛雄丙寅罷辰錦溪獎五州經略使復隸黔中辛未制第四子述封睦王充嶺

南節度度支營田五府經略觀察處置等大使第五子逾可封柳王
充渭北鄜坊等州節度大使第六子連封恩王第七子韓王迥可充
汴宋節度大使第八子邁封韶王十五子運封嘉王十六子遇封端王十
七子適封循王十八子通封恭王十九子達封原王二十子逸封雅
王並可開府儀同三司不出閣丙子以華州刺史李承昭為相州刺
史知昭義兵馬畱後時田承嗣盡盜入相衛所管四州之地自署長
吏是日河陽軍亂逐城使常休明迫牙將王惟恭為畱後軍士大掠
數日休明奔東都甲申以平盧淄青節度觀察海運押新羅渤海兩
蕃等使檢校工部尚書青州刺史李正己檢校尚書左僕射前隴右
節度副使隴州刺史馬燧為商州刺史充本州防禦使三月甲午陝
州軍亂逐觀察使李國清縱兵大掠國清卑詞遍拜將士方免禍一
夕而定己已薛寧常休明至闕下素服待罪丁未以左散騎常侍孟
為棗州刺史元潼關防御使庚戌焚惑入壁壘八月太常寺奏

州府所用斛秤當寺給銅斛斛州府依樣製造而行從之乙未制魏
博節度使開府儀同三司大尉檢校尚書左僕射同中書門下平章
事魏州大都督府長史上柱國鴈門郡王田承嗣可貶永州刺史仍
詔河東鎮冀幽州淄青淮西滑毫汴宋澤路河陽道出師進討甲申
大雨雹暴風拔樹飄屋瓦落鴟吻人震死者十之二京畿損稼者七
縣五月乙未田承嗣部將霍榮國以磁州歸癸卯劔南置昌州罷兩
都貢舉都集上都停童子科六月辛未田承嗣遣其黨裴志清攻圍
冀州為李寶臣所敗秋七月己未戶部尚書楊瑒卒杭州大風海水翻
潮溺州民五千家船千艘八月丁卯田承嗣上表請束身歸朝戊子
夜月入太微乙丑田承嗣將盧子期攻磁州九月戊戌荆南節度使
衛伯玉來朝壬寅宿京城繫囚戊申迴紇白晝殺人於市吏捕之拘
於萬年獄其首領赤心持兵入縣劫囚而出斫傷獄吏月童焚惑犯
梟五車參東井等星癸丑吐蕃寇隴州鳳翔李抱玉擊退之戊午幽
州節度使朱泚鎮奉天冬十月辛酉日有蝕之癸亥以商州刺史馬

燧檢校左散騎常侍河陽三城使甲子昭義節度使李承昭與盧子
期戰於磁州清水縣大破之生擒子期以獻丙寅貴妃獨孤氏薨追
贈曰貞懿皇后己丑尚書右僕射裴遵慶卒十一月辛卯新平公主
薨丁酉田承嗣新署瀛州刺史吳希光以城降丁未路嗣恭攻破廣
州擒哥舒晃斬首以獻

十一年正月庚寅朔田承嗣上表請罪壬辰遣諫議大夫杜亞使魏
州宣慰許其自新辛亥劍南節度使崔寧奏大破吐蕃二十萬斬首
萬級生擒首領一千一百五十人獻于闕下二月癸亥荆南節度使
衛伯玉卒于京師戊子河陽軍復亂大掠三日監軍使聿廷蘭率兵
斬其亂首方定戊申昌樂公主薨辛亥御史大夫李栖筠卒夏四月
戊午朔丙子以浙西觀察使蘇州刺史御史大夫李涵知臺事充京
畿觀察使己卯以前淮南節度使揚州大都督府長史御史大夫張
延賞為江陵尹兼御史大夫充荆南節度使五月癸巳以永平軍節
度使李勉為汴州刺史充汴宋等八州節度觀察留後時汴將李靈

耀專殺濮州刺史孟鑒北連田承嗣故命勉兼領汴州授靈耀濮州
刺史靈耀不受詔六月戊戌以李靈耀為汴州刺史充節度留後秋
七月戊子夜暴澍雨平地水深盈尺溝渠漲溢壞坊民千二百家庚
寅田承嗣兵寇滑州李勉拒戰而敗八月丙寅幽州節度使朱泚加
同中書門下平章事李靈耀據汴州叛甲申命淮西李忠臣滑州李
勉河陽馬燧三鎮兵討之閏月丁酉太白經天九月乙丑李忠臣等
兵進營鄭州靈耀之眾來薄戰淮西兵亂乃退軍於滎澤戊辰淄青
李正己奏取鄆濮二州冬十月乙酉忠臣等軍破賊於中牟進軍又
敗賊於汴州郭外乃攻之乙丑承嗣遣姪悅率兵三萬援靈耀丙午
淮西河陽之師合擊田悅營其眾大敗悅脫身北走靈耀聞悅之敗
棄城遁走汴州平丁未滑將杜如江生擒靈耀而獻十二月丁亥加
平盧淄青節度使檢校尚書左僕射青州刺史饒陽王李正己為檢
校司空同中書門下平章事成德軍節度使太子太傅檢校尚書左
僕射隴西郡王李寶臣檢校司空同中書門下平章事庚寅涇原節

度使檢校尚書左僕射知省事扶風郡王馬璘卒丁酉以涇原節度副使試太常卿張掖郡王段秀實權知河東節度留後北都留守薛兼訓病故也昭義節度使李承昭抗表稱疾以澤潞行軍司馬李抱玉權知磁邢兵馬留後庚戌加淮西節度檢校右僕射安州刺史西平郡王李忠臣檢校司空同中書門下平章事仍兼汴州刺史

十二年春正月甲寅朔辛酉以四鎮北庭涇原節度副使知節度使事張掖郡王段秀實為涇州刺史兼御史大夫充本州團練使月掩軒轅渤海使獻日本國舞女十一人癸酉夜月掩心前大星又入南斗魁京師旱分命祈禱二月戊子淄青節度使李正己之子納為青州刺史充淄青節度留後丁未以朗州刺史李國清為黔州刺史經畧招討觀察使三月乙卯河西隴右副元帥鳳翔懷澤潞秦隴等州節度觀察等使兵部尚書同中書門下平章事潞州大都督府長史知鳳翔府事上柱國涼國公李抱玉卒壬戌月入太微癸亥以太原少尹河南節度行軍司馬權知河東留後鮑防為太原尹御史大夫充

北都留守河東節度使戊辰月逼心前星庚午左降官永州刺史田承嗣復授魏博節度使官並如故承嗣姪悅子綰緒綸並復舊官庚辰宰相元載王縉得罪下獄命吏部尚書劉晏訊鞫之辛巳制中書侍郎平章事元載賜自盡門下侍郎平章事王縉貶括州刺史夏四月壬午以朝議大夫守太常卿兼修國史楊綰為中書侍郎尚書禮部侍郎集賢院學士常袞為門下侍郎並同中書門下平章事袞以右庶子潘炎為禮部侍郎貶吏部侍郎楊炎為遠州司馬元載黨也諫議大夫知制誥韓洄王定包佶徐璜戶部侍郎趙縱大理少卿裴翼太常少卿王統起居舍人韓會等十餘人皆坐元載貶官也給事中杜亞使魏州賜田承嗣鐵券癸巳以前秘書監李揆為睦州刺史揆故宰相為元載所忌二十年流落丐食江湖間載誅方得為郡又召顏真卿於湖州亦載所忌斥外也乙未月掩心前星丁酉西川破吐蕃於望漢城擒蕃將大籠官論器然以獻壬寅以前商州刺史烏崇福為安南都護本管經略使渤海奚契丹室韋靺鞨並遣使朝貢

已酉加京官料錢文武班諸司共二千七百九十六員文官一千八百五十四員武官九百四十二員歲加給一十五萬六千貫并舊給凡二十六萬貫以關內副元帥兵馬使渾瑊兼邠州刺史五月辛亥罷天下州團練守捉使名甲寅諸道郵務在上都名曰留後改為進奏院丙辰夜月入太微辛酉貶刑部尚書王昂連州刺史昂至萬州卒庚午勅毀元載祖父墳剖棺棄骸焚毀私廟主於大寧里甲戌以前安南都護張伯儀為廣州刺史兼御史大夫充嶺南節度使六月癸巳時小旱上齋居祈禱聖體不康是日不視朝秋七月戊午罷潤州丹陽軍蘇州常州軍已巳中書侍郎同中書門下平章事集賢殿崇文館大學士兼修國史楊綰卒八月癸巳賜東川節度使鮮于叔明姓李氏癸卯宰臣讓賜食先是元載王縉輔政每日賜食因為故事至是常袞等上表云殮錢已多更頒御膳胡顏自安乞停賜食從之甲辰以湖州刺史顏真卿為刑部尚書乙巳以久雨宥常參百寮不許御史點班九月乙卯許以庶人禮葬元載辛酉以涇原節度副使段秀實為四鎮北庭行營涇原鄭棣等節度使庚午吐蕃寇坊州掠党項羊馬而去是秋宋毫陳滑等州水冬十一月丁亥戶部侍郎判度支韓滉言解縣兩池生瑞鹽乃置祠號寶應靈慶池壬寅夜月掩昴又入太微乙巳以滑州牙將劉洽為宋州刺史京兆尹黎幹奏水損田三萬一千頃度支使韓滉奏所損不多兼渭南令劉藻曲附滉亦云部內田不損差御史趙計檢渭南田亦附滉云不損上曰水旱咸均不宜渭南獨免復命御史朱敖檢之渭南損田三千頃上歎息曰縣令職在字人不損亦宜稱損損而不聞豈有郵隱之意耶劉藻趙計皆貶官十一月癸丑太白臨哭星乙卯夜月入羽林癸酉以右散騎常侍蕭昕為工部尚書刑部尚書顏真卿獻所著顏海鏡源三百六十卷十二月丁亥西川崔寧奏於西山破吐蕃十萬斬首八千生擒九百人己亥天下仙洞靈迹禁樵捕庚子以幽州節度使朱泚兼隴右節度副大使權知河西澤潞行營兵馬事京兆尹請修六門堰許之

十三年春正月戊申歲三酉懷白渠堰磴八十餘所以奎農溉田也
于戊刑部尚書魯郡公顏真卿三抗章乞致仕不允淄青節度使李
正已請附屬籍從之戊辰迴紇寇太原鮑防與之戰我師不利朱泚
徙封遂寧郡王二月庚辰代州都督張光晟擊迴紇戰于羊武谷破
之北人乃安己亥吐蕃寇靈武甲辰太僕寺佛堂有小脫空金剛右
臂忽有黑汗滴下以紙承之色類血三月日洛陽將士劫迴紇輜重
因與相鬪縱兵大掠久之方定四月丁亥以浙西觀察畱後李道昌
為蘇州刺史兼御史中丞充浙西都團練觀察使己丑以前浙西觀
察使李涵為御史大夫甲辰吐蕃寇靈州朔方畱後常謙光擊敗之
五月戊午宦官劉清潭賜名忠翼六月戊戌隴右節度使朱泚於軍
士趙貴家得猫鼠同乳不相害籠而獻之秋七月壬子中書舍人崔
祐甫知吏部選事癸丑劍南節度使崔寧加檢校司空東川李叔明
加檢校工部尚書辛未吐蕃寇鹽州慶州八月甲戌朔成德軍節度
使李寶臣抗章請復本姓張氏從之冬十月丁酉葬貞懿皇后於莊

陵十一月丁卯日長不有司祀昊天上帝於南郊上不視朝故也十
二月丙戌以吏部尚書劉晏為左僕射判使如故以給事中杜亞為
洪州刺史兼御史中丞充江西觀察使以江西觀察使路嗣恭為兵部
尚書是歲郴州黃山崩壓死者有數百人

十四年春正月壬寅朔壬戌以楚州刺史李泌為澧州刺史二月癸
未魏博七州節度使太尉檢校尚書左僕射同中書門下平章事魏
州大都督府長史田承嗣卒甲申以魏博中軍兵馬使左司馬田悅
兼御史中丞充魏博節度使焉後三月丁未汴宋節度使李忠臣為麾
下將族姪李希烈所逐忠臣狼狽歸朝上以忠臣立功於國乃授檢
校司空同平章事庚戌以河南尹嚴郾為京兆尹河中少尹知府事
趙惠伯為河南尹辛酉以前容管經略使容州刺史王雄為河中少
尹知府事夏四月癸未成德軍節度使張勣臣復請姓李從之五月
癸卯上不康至辛亥不視朝北都畱守鮑防北庭歸朝辛酉詔皇太
子監國是夕上崩于紫宸上內殿遺詔皇太子柩前即位壬戌遷神

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

樞于太極殿發喪八月庚申羣臣上尊諡曰睿文孝武皇帝廟號代宗十月己酉葬於元陵十二月丁酉祔於太廟

史臣曰嗚呼治道之失也若河決金堤火炎崑崙雖神禹之乘四載玄冥之灑八瀛亦不能堙洪濤而撲烈焰者河也良以勢既壞而不能遽救也觀夫開元之治也則橫制六合駿奔百蠻及天寶之亂也天子不能守兩都諸侯不能安九牧是知有天下者治道其可忽乎明皇之失馭也則祿山暴起於幽陵至德之失馭也則思明再陷於河洛大曆之失馭也則懷恩鄉導於大戎自三盜合從九州塗沸軍士膏於原野民力殫於轉輸室家相弔人不聊生而子儀號泣於用兵元載殷憂於避狄然而代宗皇帝少屬亂離老於軍旅識人間之情僞知稼穡之艱難內有李郭之効忠外有昆戎之幸利遂得兇渠傳首叛黨革心關輔載寧獯戎漸弭至如稔輔國之惡議元振之罪去朝恩之權不以酷刑俾之自咎亦立法念功之旨也罪已以傷僕固徽樂而悼神功懲緝載之姦回重哀縮之儒雅脩己以懷星變側身

以謝咎徵古之賢君未能及此而有李靈耀作梗田承嗣負恩命將出軍勞師弊賦者蓋陽元之未泰豈君道之過歟贊曰羣盜方梗諸戎競侵猛士嘗膽忠臣痛心掃除氛氣敷衍德音延洪納祉帝慮何深

唐書本紀卷第十一

德宗上

劉 昫 等修
聞人詮校刊沈相同校

德宗神武孝文皇帝諱适代宗長子母曰睿貞皇后沈氏天寶元年
 四月癸巳生於長安大內之東宮其年十二月拜特進封奉節郡王
 代宗即位之年五月以上為天下元帥改封魯王八月改封雍
 王時史朝義據東都十月遣上會諸軍於陝州大舉討賊十一月
 破賊於洛陽進收東都河南平定朝義走河北分命諸將追之俄而
 賊將李懷仙斬朝義首以獻河北平以元帥功拜尚書令食實封二
 千戶與郭子儀等八人圖形凌煙閣廣德二年二月立為皇太子大
 曆十四年五月辛酉代宗崩癸亥即位於太極殿閏月壬申貶中書
 舍人崔祐甫為河南少尹甲戌貶門下侍郎平章事常袞為潮州刺
 史召崔祐甫為門下侍郎同中書門下平章事丙子詔諸州府新羅

渤海歲貢鷹鷄皆停戊寅詔山南樞祀江南樞禱歲一貢以供宗廟
餘貢皆停庚寅以兵部尚書路嗣恭為東都留守以常州刺史蕭復
為潭州刺史湖南團練觀察使辛巳罷邕府歲貢奴婢癸未改括州
為處州括蒼縣為麗水縣停梨園使及伶官之冗食者三百人留者
皆隸太常劔南歲貢春酒十斛罷之甲申以司徒兼中書令河中尹
靈州大都督單于鎮北大都護充關內河東副元帥朔方節度關內
支鹽池六城水運大使押諸蕃部落管內及河陽等道觀察使上柱
國汾陽郡王山陵使食實封一千九百戶郭子儀可加號尚父守太
尉餘官如故加實封通前二千戶月給一千五百人糧馬二百匹草
料以朔方都虞候李懷光為河中尹邠寧慶晉絳慈隰等州節度觀
察使以朔方右雷後常謙光兼靈州大都督西受降城定遠軍天德
鹽夏豐節度等使以朔方左雷後單于副都護渾瑊為單于大都護
振武東軍中二受降城鎮北及綏銀麟勝等軍州節度營田使丙戌
詔禁天下不得貢珍禽異獸銀器勿以金飾丁亥詔文單國所獻舞

三十二今放荆山之陽五坊鷹犬皆放之出宮女百餘人已丑以
林大將軍吳希光檢校散騎常侍兼御史中丞充渭北鄜坊丹
延都團練觀察使辛卯以河陽三城鎮遏使馬燧檢校工部尚書兼
太原尹御史大夫北都留守河東節度使壬辰以河東節度雷後鮑
防為京畿觀察使陳州刺史李元檢校太常少卿為東陽三城鎮遏
使癸巳以壽州刺史杜亞為江西觀察使甲午冊太尉子儀自開元
以來冊禮多費天寶中楊國忠冊司空至是行子儀之冊以江西觀
察使杜亞為陝州長史充轉運使丙申詔兵部侍郎黎幹害若豺狼
特進劉忠翼掩義隱賊並除各長流既行俱賜死丁酉以京畿觀察
使鮑防為福州刺史福建都團練觀察使以戶部侍郎判度支韓滉為
太常卿吏部尚書劉晏判度支鹽鐵轉運等使初晏與滉分掌天下
財賦至是晏都領之六月己亥朔御丹鳳樓大赦天下罪無輕重咸
赦除之內外文武三品已上賜壽一級四品已下加一階致仕官同
見任百姓為戶者賜古爵一級加李正司徒太子太傅崔寧李勉本

官同平章事天下進獻事緣郊祀陵廟所須家前勿闕餘並停諸州刺
史上佐今後准式入計諸州刺史常參官父在未有官量與五品致
仕官父亡沒與追贈自至德已來別勅或因人奏或臨事頒行差互
不同使人疑惑中書門下與詳定官決取甚久長行用者編入格條
自今更不得奏置寺觀及度人庚子封元子誦為宣王次子謨為舒
王諶為通王諒為慶王詳為肅王並加開府儀同三司乙巳封皇弟
廼為益王迅為隨王丙午舉先天故事非供奉侍衛之官自文武六
品已上清望官每日二人更直待制以備顧問仍以延英南藥院故
地為廟癸丑詔皇族五服等已上居四方者家一人赴山陵縣次給
食已未揚州每年貢端午日江心所鑄鏡幽州貢麝香皆罷之辛酉
罷宣歙池鄂嶽沔二都團練觀察使陝虢都防禦使以其地分隸諸
道復置東都京畿觀察使以御史中丞為之王戌處州刺史王縉湖
州刺史第五琦皆為太子賓客睦州刺史李揆為國子祭酒並留司
東都中官邵光超送淮西旌節李希烈遺練七百匹事發杖六十配
流由是中官不敢受賂癸亥詔中書門下御史臺五品已上諸司三
品已上長官各舉可任刺史縣令者人中書門下量才進擬有犯坐
舉主秋七月戊辰朔日有蝕之禮儀使吏部尚書顏真卿奏列聖謚
號文字繁明以初謚為定兵部侍郎袁倬議云陵廟玉冊已刻不
可輕改罷仁妄奏不知玉冊皆刻初謚而已庚午詔邕州所奏金坑
誠為潤國語人以利非朕素懷其坑任人開採官不得禁辛未以吏
部侍郎房宗偃為御史中丞東都畿觀察使罷右銀臺門客省歲給
廩料萬二千斛自永泰已來或四方奏計未遣者或上書言事忤旨
者及蕃客未報者常數百人於客省給食橫費已甚故罷之王申毀
元載馬磷劉忠翼之第以其雄侈踰制也癸酉藏宮中服御常貢者
千數丁丑復置厩馬隨仗於月華門外已卯詔王公卿士不得與民
爭利諸節度觀察使於揚州置迴易邸並罷之庚辰詔鴻臚寺蕃客
入京各服本國之服罷商州歲貢稿膠辛卯罷天下權酒丁酉詔國
用未給其宣王已下開府俸料皆罷給八月庚辰以門下侍郎平章

事崔祐甫為中書侍郎平章事以道州司馬司正楊炎為門下侍郎
平章事以懷州刺史喬琳為御史大夫同平章事京畿觀察使乙巳遣
太常少卿韋倫使吐蕃以蕃俘五百人還之修好也癸亥詔人死
於外以棺柩還城者勿禁九月甲戌以淮西節度為淮寧軍辛巳以
檢校刑部尚書白孝德為太子少傅內成秘書少監邵說為吏部侍
郎給事中劉迺為兵部侍郎中書舍人令狐峘為禮部侍郎冬十月
丁酉朔吐蕃合南蠻之眾號二十萬三道寇茂州扶文黎雅等州連
陷郡邑發兵四千助蜀大破之己酉葬代宗於元陵戊午九成宮貢
立戰炭鑪巖州貢種蔗弱之工皆罷之散官秦猪三十頭給貧民十
一月辛未以鴻臚卿賈耽為梁州刺史山南西道節度觀察使丁丑
以陝州長史杜亞為河中尹河中西絳慈隰都防禦觀察使壬午御
史大夫平章事喬琳為工部尚書罷知政事加劍南西川節度觀察
度支營田等使檢校司空平章事成都尹崔寧兼御史大夫京畿觀
察使癸巳加崔寧兼靈州大都督單于鎮北大都護朔方節度等使
出鎮坊州以荆南節度使檢校禮部尚書兼江陵尹御史大夫張延
賞檢校兵部尚書兼成都尹御史大夫劍南西川節度度支營田觀
察等使以朔方節度虞候杜希全為靈州節度使以鄜州刺史張光晟
單于振武軍使東中二授降城綏銀鄜勝等軍州節度使延州刺史李建為
鄜坊丹延留後楊炎素惡崔寧雖授以三鎮仍署此三人為留後奪
寧之權也人皆憤之十二月己亥南選使可以專達勿復以御史臨
之乙卯制宣王基可立為皇太子丙寅晦日有蝕之詔元日朝會不
得奏祥瑞事建中元年春正月丁卯朔御合元殿改元建中群臣上
尊號曰聖神文武皇帝己巳上朝太清宮庚午謁太廟辛未有事於
郊立是日還宮御丹鳳門大赦天下自艱難以來徵賦名目頗多今
後除兩稅外輒率一錢以枉法論常叅官諸道節度觀察防禦等使
都知兵馬使刺史少尹畿赤令大理司直評事等授訖三日內於四
方館上表讓一人以自代其外官委長吏附送其表付中書門下每
官闕以舉多者授之王府六品以上官及諸州縣有司可併省及諸官

咸省臺廢省天下子為父後者賜勳兩轉已巳福建觀察使鮑防湖南
觀察使蕭復讓憲官從之自兵興已來方鎮重任必兼臺省長官以至
外府僚佐亦帶臺省銜至是除韓滉蘇州刺史杜亞河中少尹而領
都團練觀察使不帶臺省兼官自是諸道非節度而兼憲官者皆讓
甲午詔東都河南江淮山南東道等轉運租庸青苗鹽鐵等使尚書
左僕射劉晏頃以兵車未息權立使名久勤元老集我庶務悉心率
力垂二十年朕以征稅多門鄉邑凋耗聽于群議思有變更將置時
和之理宜復有司之制晏所領使宜停天下錢穀委金部倉部中書
門下兩司郎官准格式調掌是月浚豐州陵陽渠二月丙申遣黜
陟使一十一人分行天下癸卯以戶部郎中韓洄為諫議大夫以涇
原節度使段秀實為司農卿已酉貶尚書左僕射劉晏為忠州刺史
癸丑昭義軍節度雷後李抱真為本道節度使甲寅貶史館修撰禮
部侍郎令狐峘郴州司馬右補闕柳冕巴州司戶日本國朝貢癸亥
朱比兼四鎮北庭行軍涇原節度使三月丙寅禮儀使奏東都太廟
闕木主請造詔下議之不決庚午監察御史張著以法冠彈中丞嚴
郢浚陵陽渠匿詔不行削郢官著賜緋魚辛未左散騎常侍翰林學
士張涉放歸田里甲戌以前司農卿庾準為江陵尹兼御史中丞荆
南節度使癸巳以諫議大夫韓洄為戶部侍郎判度支時將貶劉晏
罷使名歸尚書省本司今又命洄判度支令金部郎中杜佑權勾當
江淮水陸運使一如劉晏韓滉之則蓋楊炎之排晏也夏四月乙未
朔涇原裨將劉文喜據城叛己亥地震辛未命江西觀察使崔昭冊
命迴紇可汗戊申以福建觀察使鮑防為樞密使江西團練觀察使
己丑上誕日不納中外之貢唯李正己田悅各獻縑三萬匹詔付度
支妃父王景先駙馬高怡獻金銅像上曰有何功德非吾所為退還
之壬戌以衡州刺史嗣曹王臯為潭州刺史湖南團練觀察使御史
中丞元全柔為杭州刺史五月甲子朔戊辰以太常少卿韋倫為太
常卿復使吐蕃己卯右金吾衛大將軍李通為黔州刺史黔中經略
招討觀察鹽鐵等使湖州刺史常衮為福建觀察使涇州將劉光國

殺劉文喜降荊州平六月甲午朔中書侍郎同中書門下平章事崔祐甫卒辛丑築奉天城加試殿中監劉海賓兼御史中丞封樂平郡王海賓涇州將賞殺劉文喜也乙卯京兆尹源休使迴紇縣武義成功可汗秋七月丁丑罷內出孟蘭盆不命僧為內道場壬申以鴻臚寺左右威遠營隸金吾己丑忠州刺史劉晏賜自盡八月甲午振武軍使張光晟殺領蕃迴紇首頗突董統等千人收駝馬千餘繒錦十萬匹乃徵光晟歸朝以彭令芳代之乙未河中晉絳觀察使杜亞為睦州刺史丁未加朱泚中書令餘官使並如故以舒王謨為涇原節度大使尚書右丞孟皞為涇州刺史知留後東棘烏蠻守來朝貢丁巳遙尊上母沈氏曰皇太后戊午以吏部尚書顏真卿為太子少師依前禮儀使改封嗣舒王藻為嗣郢王九月戊辰判度支韓洄奏請於商州紅崖台洛源監置十鑪鑄錢江渚七監每鑪一千費二千文請皆罷從之己卯雷冬十月甲午貶尚書左丞薛邕為連山尉坐賊也乙巳太子少傅昌化郡王白孝德卒庚寅以睦王述為奉迎皇太后使

工部尚書喬琳為副十一月辛酉朔朝集使及貢使見於宣政殿兵與巴來四方州府不上計內外不朝會者二十有五年至此始復舊制州府朝集者一百七十三人詔每令分番二人待詔乙丑贈敬暉等五王官又贈張九齡司徒鍾紹京太子太傅戊寅諸王有官者初令出閣就班又出嫁嶽陽等一十縣主皆在諸王院久而未適人者上悉命以禮出降十二月辛卯韋倫使迴與吐蕃宰相論欽明思等五十五人同至獻方物修好也丁酉令詳定國以來將相功臣房玄齡等一百八十七人據功績分為二等是歲戶部計帳戶總三百八萬五千七十有六賦入一千三百五萬六千七十貫鹽利不在此限二年春正月庚申朔戊辰成德軍節度恒定等州觀察使司空兼太子太傅同中書門下平章事恒州刺史隴西郡王李寶臣卒丙子以汴宋滑毫陳潁泗節度觀察使檢校吏部尚書同平章事李勉為永平軍節度汴滑陳等州觀察等使以兵部尚書東都留守路嗣恭為鄭汝陝河陽三城節度東畿觀察等使以示州刺史劉洽為宋毫潁

節度使以鄭州隸永平軍自去年十月無警至甲申方雨雪丁亥檢校戶部尚書張獻恭為東都留守以河內趙惠伯為河中尹河中晉絳怒隰都防禦觀察使以前鄭州刺史于頔為河南尹二月乙未以御史中丞盧杞為御史大夫京畿觀察使以桂管觀察使李昌巽為江陵尹兼御史大夫荆南節度等使以前荆南節度使庾準為左丞甲辰以容州刺史盧嶽為桂州防禦觀察使乙巳以門下侍郎楊炎為中書侍郎同中書門下平章事以御史大夫盧杞為門下侍郎同中書門下平章事丙午以宋亳節度為宣武軍丁未以御史中丞袁高為京畿觀察使乙卯振武軍亂殺其帥彭令芳監軍劉惠光三月庚申朔築汴州城初大曆中李正巳有淄青齊海登萊沂密德棣曹濮兗鄆十五州之地李寶臣有恆定易趙深冀滄七州之地田承嗣有魏博相衛洛貝澶七州之地梁崇義有襄鄆均房復郢六州之地各聚兵數萬始因叛亂得位雖朝廷寵待加恩心猶疑貳皆連衡盤結以自固朝廷增一城浚一池便飛語有辭而諸盜完城繕甲略無

寧日至是田悅初稟命劉文喜殄除群兇震懼又奏計者還都無賜與既歸皆構怨言先是汴州以城隘不容眾請廣之至是築城止已田悅移兵於境為備故詔分汴宋滑為三節度移京西防秋兵九萬二千人以鎮關東又於偃城置澶州辛巳以汾州刺史王榘為振武軍使東中二受降城鎮北綏銀麟勝等州畱以萬年今崔漢衡為殿中少監使吐蕃夏四月巳酉朔自汴州庚寅襄州梁崇義兼同中書門下平章事巳亥省燕州順化州乙卯併平琴州為冀州丁巳貶禮部侍郎于召桂州刺史御史中丞袁高韶州刺史五月丙寅以軍興十一而稅已巳以淮寧軍節度使李希烈充漢南北諸道都知兵馬招撫處置等使封南平王庚寅以浙江西道為鎮海軍加蘇州刺史韓滉檢校禮部尚書潤州刺史充鎮海軍節度使浙江東西道觀察等使以御史中丞一貞為理匭使諫議大夫一員知匭使給事中書舍人為監考使辛丑尚父中書令汾陽郡王郭子儀薨丙午以檢校秘書少監鄭叔則為御史中丞東都畿觀察使壬子以懷鄭河

陽節度副使李茂為河陽三城懷州節度使仍割更盡五縣讓焉秋
七月戊子朔詔曰二庭四鎮統任西夏五十七蕃十姓或落國朝以
來相奉率職自關隴先守東西阻絕忠義之徒泣血相守慎固封略
奉遵禮教皆侯伯守將交修共理之所致也伊西北庭節度觀察使
李元忠可北庭大都護四鎮節度留後郭昕為安西大都護四鎮節
度觀察使自河隴陷虜伊西北庭為蕃戎所隔間者李嗣業荔非元
禮孫志直馬璘董皆遙領其節度使名初李元忠歿昕為伊西北庭
留後隔絕之後不知存亡至是遣使歷迴紇諸蕃入奏方知音信上
嘉之其伊西北庭將士叙官仍超七資庚申以中書侍郎平章事楊
炎為左僕射以前永平軍節度使張鎰為中書侍郎同中書門下平
章事司空淮陽郡王侯希逸卒丁丑以河中尹關播為給事同州
刺史李承為河中尹晉絳都防禦觀察使辛巳以冰章節度使李懷
光兼靈州大都督單于鎮北大都護朔方節度使以鄜坊丹延觀察
留後李建徽為坊州刺史鄜坊丹延都團練觀察使壬午以幽州隴

右節度使中書令朱泚為太尉田悅攻寇臨洛守將張仵城守八月
辛卯平盧淄青節度觀察使司徒太子太保同中書門下平章事李
正己卒庚戌以中書舍人衛晏為御史中丞京畿觀察使壬子淮寧
軍節度使李希烈攻襄陽誅梁崇義斬其同惡三十餘人九月辛酉
以易州刺史張孝忠為恒州刺史充成德軍節度觀察使壬戌加李
希烈同中書門下平章事癸亥兵部尚書翼國公路嗣恭卒甲子以
晉絳觀察使李承為襄州刺史山南節度觀察等使戊辰以杭州刺
史元全柔為黔中經略招討觀察等使冬十一月乙酉尚書左僕射
楊炎貶崖州司馬尋賜死戊申加宣武軍節度使劉洽御史大夫徐
州刺史李洧棄其帥李納以州來降十一月辛未宣武節度劉洽與
神策將曲環大破李納之眾於徐州己巳詔成德軍節度都知兵馬
使恒州刺史龔高麗朝鮮郡王李惟岳以其父寶臣有忠勞於王室
惟岳墮墜父業茂棄國恩綴經之中擅掌戎務外結兇黨益固姦謀
不孝不忠宜肆原野削爾在身官爵乙亥貶戶部侍郎判度支韓洄

蜀州刺史以江淮轉運使度支郎中杜佑代判度支戶部事丁丑以陝州長史李齊為河中尹充河中晉絳防禦觀察使以商州刺史姚明敷為陝州長史本州防禦陸運使以權鹽鐵使戶部郎中包信充江淮水陸運使李納將海州刺史王涉以州降十二月庚寅河中節度使馬燧檢校左僕射澤潞節度使李抱真檢校兵部尚書賞破田悅之功也丙申太子賓客王縉卒

三年春正月乙卯朔丙寅幽州節度使朱滔張孝忠破李惟嶽之兵於束鹿辛未詔供御及太子諸王常膳有司宜減省之於是宰臣上言減堂厨百官月俸請三分省一以助軍從之庚辰追封皇叔僖為宋王贈皇弟選荆王閔月丙申以文宣王三十七代孫齊賢為兗州司功襲文宣公辛丑復置具負簿甲辰成德軍兵馬使王武俊殺李惟嶽傳首京師庚戌馬燧李抱真李克破兵於恒水進攻魏州二月戊午惟嶽將定州刺史楊政義以州降加朱滔檢校司徒以張孝忠檢校兵部尚書易定滄三州節度使以檢校太子賓客王武俊檢校秘書

監恒州刺史恒興都團練觀察使康日知為趙州刺史深趙都團練觀察使三月丁亥贈故衛尉卿顏杲卿司徒故常山太守袁綬謙左散騎常侍許州長史龐堅右散騎常侍故鞏縣主簿莊清禮部侍郎贈故驍衛將軍代國公安金藏兵部尚書授其子承恩廬州長史乙未以徐州刺史李洧為徐沂海團練觀察使戊戌田悅洛州刺史田昂以城降以嶺南節度使張伯儀檢校兵部尚書兼江陵尹御史大夫荆南節度等使以容管經略使元琇為廣州刺史嶺南節度使丙午貶京兆尹盧慧為撫州長史夏四月李納守德州將王士真守棣州將李長卿皆以城降庚申先陷蕃僧尼將士八百人自吐蕃而還壬戌封朱滔為通義郡王朱滔王武俊與田悅合從而叛太常博士韋都眉陳京以軍興庸調不給請借京城富商錢大率每商三五貫餘並入官不一二十大商則國用濟矣判度支杜佑曰今諸道用兵月費度支錢一百餘萬貢若獲五百萬貫纔可支給數月甲子詔京兆尹長安萬年令大索京畿富商刑法嚴峻長安令薛莘荷杖乘車

於坊市搜索人不勝鞭笞乃至自縊京師囂然如被盜賊搜括既畢計其所得統八十萬貫少尹韋稹又取儻櫃質庫法拷索之統及二百萬丁丑彭王傳徐浩卒贈太子少師戊寅以中書侍郎平章事張鑑兼鳳翔尹隴右節度使以代朱泚加泚實封五百戶賜實氏名困涇水上腴田及錦綵金銀器以安其意時滔叛故也壬午貶御史大夫嚴郢為費州長史杖殺左廵使殿中侍御史鄭詹尹歲餘卒五月丙戌增兩稅鹽權錢兩稅每貫增二百鹽每斗增一百丁亥貶太子詹事邵說歸州刺史卒於貶所辛卯詔朔節度使李懷光率裨將及朔方軍東討丙申詔故伊西北庭節度使楊休明故河西節度使周鼎故西州刺史李琇瑋故瓜州刺史張銑等寄崇方鎮時屬股憂國守西陲以抗戎虜歿身異域多歷歲年以迄 干茲旅櫛方旋誠深追悼宜加寵贈以賁幽泉休明可贈司徒鼎贈太保琇瑋贈戶部尚書銑贈兵部侍郎皆隴右牧守至德已來陷吐蕃而歿故至是西蕃通和方得歸葬也丁酉加河東節度使檢校左僕射馬燧平章事

澤潞李抱真檢校右僕射河陽李芑檢校兵部尚書神策營招討使李晟右散騎常侍賞破田悅功也乙巳貶戶部侍郎判度支杜佑為蘇州刺史以中書舍人趙贊為戶部侍郎判度支辛亥易定節度賜名義武軍六月丁巳尚書左丞庾準卒甲子京師地震以左散騎常侍李涵為入迴紇弔祭使京兆少尹源休為光祿卿戊寅以前衢州刺史趙洎為尚書左丞右庶子柳載為右丞辛未朱滔王武俊兵救田悅至魏州北是日李懷光兵亦至馬燧抱真李芑等盛軍容迓懷光朱滔等慮其掩襲遽出兵懷光與之接戰於連籬山之西王師不利各還營壘賊乃壅河決水絕我糧道秋七月甲申以前振武軍使王胡為京兆尹以兵部郎中楊真為御史中丞京畿觀察使以括率商戶人情不安冬已詔除已收納入庫外一切停已貯納者仍明置簿曆各給文牒後准元數却還甲午以前同州刺史蕭復為兵部侍郎庚子馬燧李懷光李抱真李芑等四節度兵退保魏橋朱滔王武俊田悅之衆亦屯於魏橋東南與官軍隔河對壘自五月不雨甲辰始雨

宣武節度李勉為檢校司徒懷寧李希烈檢校司空亦寧李懷光同
平章事李光封開陽郡王八月丁未初分置汴東西水陸運兩稅鹽
鐵事從戶部侍郎判度支趙贊奏也戊午太子賓客第五琦卒華西
辛酉以涇原節度留後姓名言為涇原節度使戊辰以江淮鹽鐵使
太常少卿包佶為汴東水陸運兩稅鹽鐵使已巳加劍南西川節度
使張延賞檢校吏部尚書甲戌以大理少卿崔縱為汴西水運兩稅
鹽鐵使丁丑以禮儀使太子少師顏真卿為太子太師庚辰徐海沂
都團練使李洧卒江淮訛言有毛人捕人食其心人情大恐九月丁
亥以李洧部將高承宗為徐州刺史徐海沂都團練使判度支趙贊
上言請為兩都江陵成都揚汴蘇洪等州署常平輕重本錢上至百
萬貫下至十萬貫收貯斛斗匹段絲麻候貴則下價出賣賤則加估
收糴權輕重以利民從之贊乃於諸道津要置吏稅商貨每貫稅二
十文竹木茶漆皆什一稅一以充常平之奉已亥夜有猛獸入宣陽里傷
二人詰朝獲之冬十月辛亥以湖南觀察使嗣曹王臯為洪州刺史

江西節度使丙辰以吏部侍郎關播為中書侍郎同平章事都官員
外郎樊澤使吐蕃迴與蕃相尚結贊約來年正月望日會盟清水丙
子肅王祥薨十一月己卯以淮南節度使賈耽檢校工部尚書兼襄
州刺史御史大夫山南東道節度使以興鳳團練使嚴震為梁州刺
史山南西道節度使甲午以前山南東道節度使李承為潭州刺史
湖南觀察使是月朱滔田悅王武俊於魏縣軍壘各相推贊僭稱王
號滔稱大吳王武俊稱楚王悅稱魏王又勸李納稱齊王僭署官名
如國初魏王行臺之制丁丑李希烈自稱天下都元帥大尉建興王
與朱滔等四盜膠固為三
四年春正月戊寅朔丁亥鳳翔節度使張鎰與吐蕃相尚結贊同
盟于清水庚寅李希烈陷汝州就州將李元吉而去東都震駭甲午
遣顏真卿宣慰李希烈軍戊戌以龍武大將軍哥舒曜為東都畿汝
節度使率鳳翔邠寧涇原等軍東討希烈丙午福建觀察使常袞卒
二月戊申於陽三城置陽管節度乙卯哥舒曜收汝州丁丑以工

部侍郎蔣鎮元禮儀使三月己卯... 馮州癸未... 散騎常侍孟
皞為福建都團練觀察使辛卯... 皇擊李希烈... 陳賈之眾敗
之收復黃州丁酉荆南張伯儀... 戰敗鎮嗣曹王收復蘄州夏四
月庚申以永平宣武河陽等軍節度都統檢校司徒平章事李勉為
淮西招討使襄陽帥賈耽江西副帥曹王等為之副甲子京師地震生
黃白毛長尺餘丙子哥舒曜進軍至隸橋大震雷人死者十之三四
乃退保襄城五月辛巳夜京師地震乙酉穎王璲薨乙巳滑濮二州
黃河清滑州馬生角六月庚戌初稅屋間架除陌錢時馬燧李懷光
李抱真李元魏縣李晟屯易定李勉陳少遊哥舒曜屯懷汝間神
策諸軍皆臨賊境凡諸道之軍出境仰給於度支謂之食出界糧月
費錢一百三十萬貫判度支趙贊巧法聚歛終不能給至是又稅屋
所吏秉筆持筭入人廬舍而抄計峻法繩之愁嘆之聲徧於天下秋
七月甲申以國子祭酒李揆為禮部侍郎復其爵甲午以李揆為左
僕射兼御史大夫為入吐蕃會盟使八月丁未李希烈率眾三萬攻

哥舒曜於襄城湖南觀察使李承... 九月戊寅龍見於汝州之城
丙戌李勉將唐漢臣劉德信喪師於扈澗汴軍自此不振東都危急
冬十月丙午詔涇原節度使姚令言率涇原之師救哥舒曜丁未涇
原軍出京城至漣水倒戈謀叛姚令言不能禁上令載繒綵二車遣
晉王往慰諭之亂兵已陣于丹鳳闕下從神策軍拒之無一人至者
與太子諸王妃主百餘人出苑北門右龍武軍使令狐建方教射於
軍中聞難聚射士得四百人扈從其夕至咸陽詔上而過戊申至
奉天己酉元帥都虞候渾瑊以子弟家屬三乃以誠為行在都虞候
神策軍使白志真為行在都知兵馬使以令狐建為中軍鼓角使全
吾將軍侯仲莊為奉天防城使亂兵既剽京城屯於白華乃於晉昌
里迎生洲為帥稱太尉居含元殿上以奉天監欲幸鳳翔三子鳳翔軍
亂殺節度使張鎰乃止癸丑李希烈遣裴城哥舒曜走洛陽乙卯賜
檢校司空崔寧死丁巳以吏部尚書書復刑部侍郎劉從一諫議大
夫姜公輔並以本官同中書門下平章事鄂章節度韓遊瓌與論惟

明率兵三千至纜入奉天賊軍亦三千出拒之王師不利賊乘勝攻
門自卯至午殺傷殆半會有草車在門外賊悉令焚之賊眾遂退
已泚賊三面攻城渾瑊力戰禦之方退大將呂希青死之賊自丁未
攻城至巳巳二十餘日矢石不絕十一月乙亥以隴右節度判官隴
州雷後殿中侍御史韋臯為隴州刺史秦御史大夫奉義軍節度使
靈武雷後杜希全鹽州刺史戴休顏夏州刺史常春合兵六千來援
至漢谷為賊所敗而退賊由是攻城愈急矢石雨下死傷者衆人心
危蹙上與渾瑊對泣朱泚據乾陵作樂下瞰城中詞多侮慢戊子賊
造雲橋攻東北隅兵仗不能及城中憂恐相顧失色渾瑊預為地道
及雲橋成城脚陷不得進瑊命焚之風迴烟轉橋焚而賊退朔方節
度李懷光遣兵馬使張詔奉表言大軍將至乃令昇詔巡城叫呼歡
聲動地賊不之測疑懼緩攻癸巳懷光軍次醴泉是夜賊解圍而去
神策將李晟自定州率師赴難甫於渭橋甲午以商州都虞候王仙
鶴權商州防禦使十二月壬戌貶賈下侍郎平章事盧杞為新州司馬

賈行在都知兵馬使白志真為恩州司馬戶部侍郎判度支趙贊為
播州司馬癸亥以京兆少尹裴腆判度支甲子以湖南觀察出後趙
保為湖南觀察使乙丑以祠部員外郎陸贄為考功郎中金部員外
郎吳通微為職方郎中翰林學士並如故以侍御史吳通玄為起居
舍人充翰林學士巳巳以河中尹李齊運為宗正卿庚午李希烈陷
汴州以右庶子崔縱為京兆尹癸酉以中書侍郎平章事關播為刑
部尚書司封郎中杜黃裳為給事中命給事中孔巢父淄青宣慰華
州刺史董晉河北宣慰

興元元年春正月癸酉朔上在奉天行宮受朝賀詔曰立政興化必
在推誠忘己濟人不吝改過朕嗣服丕構君臨萬邦失守宗祧越在
草莽不念率德誠莫追於既往永言思咎期有復於將來明徵其義
以示天下小子懼德不嗣罔敢怠荒然以長於深宮之中暗於經國
之務積習易溺居安忘危不知稼穡之艱難不恤征戍之勞苦致澤
靡下究情不上通事既壅隔人懷疑阻猶昧省已遂用興戎徵師四

方轉餉千里賦車籍馬遠近騷然行賫居送眾庶勞止力役不息田
菜多荒暴令峻於誅求疲民空於行軸轉死溝壑離去鄉里邑里丘
墟人煙斷絕天譴于上而朕不寤人怨于下而朕不知馴致亂階變
起都邑賊臣乘豐肆逆滔天曾莫愧畏敢行凌侮萬品失序九廟震
驚上累于祖宗下負于蒸庶痛心覩面罪實在予永言愧悼若墜泉
谷賴天地降祐人祇協謀將相竭誠爪牙宣力群盜斯屏皇維載張
將弘遠圖必布新令朕晨興夕惕惟省前非乃者公卿百寮用加虛
美以聖神文武之號被蒙暗寡狀之躬固辭不獲俯遂群議昨因內
省良所瞿然自今已後中外書奏不得言聖神文武之號今上元統
曆獻歲發祥立革紀年之號式敷在宥之澤可大放天下改建中五
年為興元元年李希烈田悅王武俊李納咸以勳舊繼守藩維朕撫
馭羣方致其疑懼皆由上失其道而下罹其災一切並與洗滌復其
爵位待之如初仍即遣使宣諭朱滔以泚連坐路遠必不同謀永念
勳勳務存弘貸如能効順亦與惟新朱泚反易天常盜竊名器暴犯
陵寢所不忍言獲罪祖宗朕不敢赦除泚外並從原有應赴奉天并
進收京城將士並賜名奉天定難功臣身有過犯減罪三等子孫過
犯減罪二等先稅除陌間架等錢竹木茶漆等稅並停奉天昇為赤
縣分命朝臣諸道宣諭以奉天行營都團練使楊惠元檢校工部尚
書丙戌以吏部侍郎蕭復為門下侍郎同平章事以吏部侍郎盧翰
為兵部侍郎同平章事戊子命宰臣蕭復往山南荆南湖南江西嶽
鄂浙江東西福建等道宣慰己丑以京兆尹裴腆為戶部侍郎判度
支丙申以山南東道行軍司馬樊澤為襄州刺史山南東道節度使
以渾瑊為行在都知兵馬使以前趙州觀察使康日知兼同州刺史
充奉誠軍節度使辛丑詔六軍各置統軍一員秩從二品左右常侍
各加一員太子賓客加四員二月戊寅詔故司農卿張掖王段秀實
贈太尉諡曰忠烈賜實封五百戶贈滑州兵馬使曹隱恭左僕射以
滑州刺史李澄兼汴州刺史汴滑節度使是日李晟自咸陽移兵東
滑橋避懷光也晟以懷光反狀已明請上幸蜀王武俊劾順加中書

門下平章事兼幽州節度使令討朱滔吐蕃遣使來朝請以兵助國
討逆乃令御史大夫于頔入蕃宣諭之甲子加李懷光太尉仍賜鐵
券赦三死罪懷光怒曰凡人臣反逆乃賜鐵券今賜懷光是反必矣
乃投之於地上命翰林學士陸贄曉諭之是日人心恐駭懷光奪楊
惠元李建徽所將兵惠元被害丁卯車筐等梁州留戴休顏守奉天
以御史中丞齊映為沿路置頓使李晟大集兵賦以收復為已任李
懷光患之移軍涇陽連朱泚欲同滅晟晟卑詞厚意致書諭之異其
感悟懷光頗增愧懼三月甲申以秘書監崔漢衡為上都留守右散
騎常侍于頔為京兆尹是日懷光燒營走歸河中其將孟涉段威勇
等千人奔歸李晟丙戌以前饒州刺史杜祐為廣州刺史嶺南節度
使加神策節度使李晟兼京畿渭北鄜坊丹延節度觀察使庚寅重
駕次城固唐安公主薨上愛女悼惜之其壬申至梁州丁丑宣武節
度使劉洽加同平章事己亥以行在都知兵馬使渾瑊檢校左僕射
同平章事靈州大都督充朔方節度使邠寧振武永平奉天行營副

元 是日詔授李懷光太子 太保其餘官職並罷涇州亂牙將田希
鑿殺其帥馮河清自稱雷後 四月辛丑朔時將士未給春衣上猶夾
服漢中早熟左右請御暑服 上曰將士未易冬服獨御春衫可乎俄
而貢物繼至先給諸軍而始 御之壬寅詔奉天隨從將士並賜號元
從功臣以邠寧兵馬使韓遊 瓌為邠寧節度使尚書左丞趙洎卒已
巳以陝虢防遏使唐 中尹河中同晉絳節度使御史大夫李
齊運兼京兆尹魏博行軍司 馬田緒殺其帥田悅詔贈悅太尉以緒
為魏州長史魏博節度觀察 使甲寅以諫議大夫平章事姜公輔為
左庶子加劍南節度使張延 賞同平章事以前山南東道節度使賈
耽為工部尚書甲子入蕃使 左僕射李揆卒於鳳州乙丑渾瑊與吐
蕃將論莽羅之衆破賊將薩 曼之衆於武功斬首萬級丙寅加李納
平章事丁卯義王泚薨五月 淮南節度使陳少遊加檢校司徒東川
節度使李叔明太子太傅 海軍韓滉檢校右僕射癸酉涇王佺薨
徐沂海團練使高承宗卒以 其子明應知徐州事丙子李抱真王武

俊破朱滔於京城東南斬首三萬級擒偽相朱良祐李俊以獻朱滔
遁歸幽州癸未嶽州李兼黜南元全柔桂管盧嶽加御史大夫嶽加
中丞庚寅李納上章稟命乃贈李正己太尉王度商州尚書破賊
於藍田乙未安西四鎮節度使郭昕北庭都護李元忠加左右僕射
是夜李晟自滑北移軍於光泰門外賊來薄我軍爭奮擊大敗之虜
入光泰門斬馘數千計賊黨慟哭而入白華戎辰列陣於光泰門外
遣騎將史萬頃往神農村開苑墻二百餘步賊樹柵當之我軍爭柵
雲合電擊與賊血戰賊黨大敗追擊至白華朱泚逃令言率眾萬餘
遁去晟收復京城是日渾瑊與戴休顏亦破賊三千於咸陽韓遊瓌
追朱泚於涇州六月庚子朔昇恒州為大都督府癸卯贈神策兵馬
使楊惠元右僕射是日李晟上報城露布上覽之涕下霑襟涇州田
希鑿斬姚令言幽州京士韓晏於彭原斬朱泚並傳首至行在乙巳
遣吏部侍郎班宏入京宣諭已酉加李晟司徒兼中書令實封一千
戶駱元光尚可孤加檢校左右僕射皆實封五百戶以涇州將田希
鑿為涇州刺史涇原節度使天丑詔以良州為興元府鄭縣為赤畿
官名品制視京兆河南百姓知復二年見任官員加兩階耆老與版
授鄭縣令賜緋加興元尹嚴震檢校右僕射賜實封一百戶加渾瑊
侍中實封八百戶韓遊瓌檢校左僕射實封四百戶戴休顏檢校右
僕射實封二百戶考功郎中知制誥陸贄司封郎中知制誥吉中孚
並為諫議大夫水部員外郎少連為禮部郎中依前充翰林學士
行在左右廂兵馬使令狐建時常春並加散騎常侍丙辰斬偽相李
忠臣籍沒其家李晟奏受賊偽署同惡抵法之家所沒財物牛馬奴
婢請以賞軍士從之戊午車駕還京發興元是日大雨及入斜谷晴
霽從官將士懽然以為天助秋七月丙子車駕次鳳翔府詔放管內
今年秋稅耆壽侍老八十已上各與版授刺史賜紫其餘版授上佐
賜緋府縣置頓官考滿日放選受偽署官喬琳蔣鎮張光晟李通蔣
鑑伏誅朱泚害郡王王子王孫七十七人於馬璘宅丁丑令所司具
凶禮收殮於淨域寺庚辰詔李懷光往因職任頗著幹能朕嗣位之

初首加拔擢託為心腹是以歸鹿項歲河朔不寧俾令征討任兼將
相恩極丘山及朱泚猖狂擾亂京邑懷光迴軍赴難宗社再寧保佑
朕躬厥功甚茂故元帥河中之權太尉中書之秩仍加實封爰及宗親
人臣之榮孰可為此非朕於懷光不厚豈朕報懷光不崇賊寇未除
猜嫌已構多朱泚菽兇之說聽張佖罔惑之言曾不沈思遂生疑阻
交通逆孽殘害忠良朕志在推誠事皆掩覆禮遇轉厚矣在益隆懷光
都不改畜愈深不軌勅書慰問將士懷光並不令宣三軍咸欲收城
懷光並不令出自云已共朱泚定約不能更事國家朕以恥身獲承
鴻業務全大計移幸山南倉皇之間備歷危險據其罪狀情實難容
然以解圍奉天其功不細昨又遣男瑾謝罪請束身歸朝朕憫其知
過之心念其赴難之効以功贖罪務在優恩今遣給事中孔巢父賫
先授懷光太子太保勅牒往河中宣諭三日內便與懷光同赴上都
如欲家口同行亦聽懷光自便朕必能保全終始寵待如初朔方將
士賞立大功子儀再收京城咸是此軍之効昨遠從河朔赴難奉天

逆賊畏威望風奔遁言勞績朕不暫忘將士各竭忠謀勳迫脅
每矧痛心自咎比者君臣阻隔只為懷光一人懷光既請入朝尚捨
其罪况諸將士並是功臣各宜坦然勿更憂慮先賜官封一切如舊
壬午至自興元時渾瑊韓遊瓌戴休顏以其眾扈從李晟駘元光尚
可孤以其眾奉迎步騎十餘萬旌旗連亘數十里都民僧道歡呼感
泣李晟見於三橋自陳收城遲晚之咎伏地請罪上慰勞遣之丁亥
河中宣慰使孔巢父中官啖守盈並為懷光所害辛卯御丹鳳樓大
赦天下賜李晟永崇里第女樂八人甲午命宰臣諸將送晟入新賜
第教坊樂京兆府供帳食饌鼓吹導從京城以為榮觀八月辛丑詔
所司為贈太尉段秀實樹碑立廟淄青節度使承前帶陸海運押新
羅渤海兩蕃等使宜令李納兼之癸卯加司徒中書令今川郡王李
晟兼鳳翔尹充鳳翔隴右節度等使涇原四鎮北庭行營兵馬副元
帥改封西平郡王河東保寧軍節度使太原尹北都留守檢校司徒
平章事北平郡王馬燧為奉誠軍晉絳慈隰節度行營兵馬副元帥

以靈鹽節度使侍中兼靈州大都督樓煩郡王渾瑊為河中尹晉絳節度使河中同陝虢等州及管内行營兵馬副元帥改封咸寧郡王時方命瑊與馬燧各出師討懷光故也甲辰以金吾大將軍杜希全為靈州大都督西受降城天德軍靈鹽豈夏節度營田等使以同絳節度使唐朝臣為鄜坊丹延等州節度使以保義軍節度使鳳翔尹李楚琳為金吾大將軍以奉義軍節度使隴州刺史韋臯為左金吾衛大將軍戊申以奉天行營節度戴休為左龍武統軍己酉以延王玢隨王迅西平長公主薨廢朝己未則湖州刺史袁高為給事中九月庚午宗正卿李琬卒賜渾瑊大寧里第并女樂五人詔宰臣諸將賜樂饋贈如送李晟入第故事壬午贈故右僕射致仕李涵太子太保乙亥王武俊加檢校司徒李抱真檢校司空並賜實封五百戶賞破朱滔之功也甲申以前嶺南節度使元琇為戶部侍郎判度支丁亥上顧謂宰臣曰今大盜雖除時猶多難宜廣延納以達下情近日諫官都無論奏自今每正衙及延英坐日常令朝臣三兩人面奏

時政得失庶有弘益也是秋螟蝗蔽野草無遺冬十月乙丑馬燧收絳州戊辰令中官竇文場王希遷監左右神策軍都知兵馬使閏月庚午詔朕臨御萬方失於君道兵革不息于今五年閔衆庶之勞悔征伐之事而李希烈茂義棄德反道匡人朕哀彼生靈陷于塗炭苟存拯物不憚屈身故於歲首持布新令赦其殊死待以至誠使臣纔及於郊圻巨猾已聞其僭竊酷烈滋甚本筵無狀將相大臣咸懷憤激繼陳章疏固請討除朕以所行天誅本去人害兵戈既接玉石難分言念勲臣橫遭脅制雖思改革厥路無由受汚終身嗇寃沒代淪胥以逞誠可痛傷豈孽自一夫而毒流萬姓為人父母寧不愧懷宜令諸道節度使明行曉諭罪止元兇脇制之徒一切不問唐朝臣奏收永樂縣癸酉以右龍武大將軍李觀為涇州刺史涇原節度使乙亥詔宋毫淄青澤潞河東恒冀幽易定魏博等八節度螟蝗為害蒸民饑饉每節度賜米五萬石河陽東畿各賜三萬石所司般運於楚州分付丁丑季晟至涇州誅節度使出希鑿罪其殺馮河清也戊

子希烈將李澄以滑州歸國甲午以李澄為汴州刺史汴滑節度使
封武威郡王神策行營節度使檢校尚書右僕射馮翊郡王尚可孤
卒十一月癸卯宋毫節度使劉洽與曲瑛破希烈之衆於陳州俘斬
三萬級生擒賊將翟崇暉以獻戊午劉洽大破希烈之衆擒其偽相
鄭賁等五人以獻希烈遁歸蔡州汴州乙丑宰相蕭復三上章乞
罷免許之十二月乙亥淮南節度使檢校司空平章事陳少遊卒贈
蕭定太子太師以壽州刺史張建封為漢壽都團練使庚辰以刑部
侍郎杜亞為揚州長史淮南節度使以子以吏部郎中崔造為給事
中辛卯以諫議大夫陸贄為中書舍人依前翰林學士詔翰林學士
朝服班序宜同諸司官知制誥例

貞元元年正月丁酉朔御含元殿受朝賀禮畢宣制大赦天下改元
貞元戊戌大風雪寒去秋螟蝗冬旱至是雪寒甚民饑凍死者踣於
路丁未以饒州刺史盧憇為福州刺史福建觀察使癸丑始聞太子
太師魯郡王顏真卿為希烈所害追贈司徒廢朝五日諡曰文忠仍

特授男顏頌等官壬戌以吉州長史盧杞為澧州別駕尋卒二月丙
寅朔遣工部尚書賈耽侍郎劉太真分往東都兩河宣慰河南河北
饑米斛十錢癸未李抱真嚴振來朝寒食節上與諸將擊鞠於內殿
丙戌以檢校秘書監金良相為檢校太尉使持節大都督雞林州刺
史寧海軍使襲封新羅王辛卯大雨三月丙申朔以蜀州刺史韓洄
為兵部侍郎以汴東水陸運等使左庶子包佶為刑部侍郎辛丑戶
部侍郎判度支元琇兼諸道水陸運使丁未李希烈陷南陽殺首將
黃金嶽甲寅詔宰臣宣諭御史今後上封彈奏人自陳論不得群署
章疏戊午宣武帥劉洽檢校司空以汴滑節度使李澄為滑州刺史
充鄭滑節度使加李納司空夏四月乙丑朔晉土誼改封舒王癸酉
鄂嶽觀察使李謙為洪州刺史江西都團練觀察使丁丑以江西節
度使嗣曹王臯為江陵荆南節度使己卯改滑州永平軍名曰義
成江陵度支院失火燒租賦錢穀百餘萬時關東大饑賦調不入由
是國用益窘關中饑民蒸蝗蟲而食之汴帥劉洽賜名玄佐五月癸

卯分命朝臣禱羣神以祈雨蝗自海而至飛蔽天每下則草木及畜
毛無復孑遺穀價騰踊辛酉以河陽都知兵馬使雍希顏為河陽懷
都團練使六月丙子以兵部侍郎韓洄為京兆尹辛巳劉玄佐兼汴
州刺史壬午以工部尚書賈耽兼御史大夫東都留守都畿汝州防
禦使以汴州刺史薛珣為河南尹辛卯以左金吾衛大將軍韋臯檢
校戶部尚書兼成都尹御史大夫劍南西川節度觀察使以國子祭
酒董晉為左金吾衛大將軍幽州朱滔卒贈司徒秋七月甲午朔河
東節度使馬燧自河中行營來朝庚子大風拔樹辛丑以左散騎常
侍李泌為陝州長史陝虢都防禦觀察陸運使丙午以鎮海軍浙江東
西道節度使韓滉檢校尚書左僕射同平章事江淮轉運使以河南
尹薛珣為河南水陸運使戊申馬燧還行營辛亥加檢校工部尚書
王士真為德棣都團練觀察使壬子以前涿州刺史兼御史中丞劉
平為幽州御史大夫幽州盧龍節度副大長史兼使知節度管理度
支營田觀察押奚契丹經略盧龍等軍使丁巳以左散騎常侍柳渾

為兵部侍郎庚申以諫議大夫高叅為中書舍人關中蝗食草木都
盡旱甚灞水將竭井多無水有司計度支錢穀纔可支七旬甲子詔
夫人事失於下則天變形於上咎徵之作必有由然自頃已來災沴
仍集雨澤不降綿歷三時蟲蝗繼臻彌亘千里菽粟翔貴稼穡枯瘁
嗷嗷蒸人聚泣田畝興言及此實切痛傷備祈百神曾不獲應方悟
禱祠非救災之術言詞非謝譴之誠憂心如焚深自刻責得非刑法
舛繆忠良鬱湮暴賦未蠲勞師靡息事或無益而重為煩費任或非
當而橫肆侵蝕有一於茲足傷和氣本其所以罪實在予萬姓何辜
重罹饑殍所宜出次貶食節用緩刑側身增脩以謹天戒朕自今視
朝不御正殿有司供膳並宜減省不急之務一切停罷除諸軍將士
外應食糧人諸色用度本司本使長官商量減罷以救兇荒俟歲豐
登即令復舊甲子李暹光大將尉珪以焦離堡降丁卯懷光將徐遠光
以長春宮兵六千人降甲戌朔方大將牛勣斬李懷光傳首闕下
馬燧收復河中丁丑始雨巳卯詔朕誠信未著撫御失宜致使功臣

陷於誅戮謂之克敵能不愧心然以懷光一家在法無捨念其昔居將相嘗寄腹心罪雖挂於刑書功已藏於王府以干紀之迹固合戒身以赴難之勳所宜有後宜以懷光男一人為嗣賜莊宅各一區仍還懷光屍首任其收斂懷光妻諸兒女遞送澧州委李臯逐便安置使得存立其出嫁女諸親並釋放陷賊將士一切並與洗雪河中絳百姓給復一年北平王馬燧咸寧王渾瑊並與一子五品正官燧可侍中瑊可檢校司空駱元光韓遊瓌唐朝臣各賜實封二百戶與一子六品正官昨河中行營將士共賜二十萬端匹以充宴賞放歸本道新除中書侍郎平章事張延賞為尚書左僕射時宰相劉從一病詔徵延賞李晟與延賞有隙自鳳翔上表論之延賞罷鎮西川還行至興元改授左僕射戊子前河陽節度使檢校尚書左僕射開封郡王李芄卒九月己亥幽州節度劉怱病請以子濟權知軍州事從之癸卯以牛名俊為丹州刺史御史大夫崔縱奏往制勘會內外官負商量併省停減詳議聞奏者伏以兵戎未息仕進頗多在官者

才仍招怨望况有恩詔甄錄功勞諸道叙優人數甚廣見須處置不可稽留今若停減吏員實恐未便於事非但成優者無官可授抑又叙進者無路可容本異便人翻成歎怨事仍舊貫以適時宜更待事平然後經度制從之乙巳上御正殿策賢良方正能直言極諫等三科舉人辛亥宰相劉從一以疾辭任授戶部尚書庚申劉從一卒幽州節度使劉怱卒辛巳以權知幽州盧龍軍府事劉濟為幽州長史兼御史大夫幽州盧龍節度觀察押奚契丹兩蕃等使丙戌渾瑊自河中來朝十一月癸巳朔山南嚴震來朝癸卯上親祀昊天上帝於貞丘時河中渾瑊澤潞李抱真山南嚴震同華駱元光邠寧韓遊瓌鄜坊唐朝臣奉誠康日知等大將侍祠郊壇畢還宮御丹鳳樓大赦天下丁丑詔文武常參官共賜錢七百萬貫以歲凶穀貴衣冠窘乏故也十二月戊辰詔延英視事日令常參官七人引對陳時政得失自是群官互進有不達理道者因多詆訐不適事宜上亦優容遣之

二年春正月壬辰朔以歲饑罷元會禮也丙申詔以民饑御膳之費減半官人月共糧米都一十五石飛龍馬減半料臺郎御史與兼官出為畿赤令庚子大雪平地尺餘壬寅以散騎常侍劉滋給事中崔造中書舍人齊映並守本官同中書門下平章事門下侍郎平章事盧翰為太子賓客丁未以禮部侍郎鮑防為京兆尹京兆尹韓洄為刑部侍郎國子祭酒包佶知禮部貢舉以江陵少尹李復為容州刺史本管經略使癸丑以御史大夫崔縱為吏部侍郎諫議大夫知制誥翰林學士吉中孚為戶部侍郎判度支兩稅元琇判諸道鹽鐵推酒詔宰相齊映判兵部李勉判刑部劉滋判吏部禮部崔造判戶部工部甲寅詔天下兩稅錢物委本道觀察使刺史差人送上都其先置諸道水陸轉運使及度支院江淮轉運等使並停時崔造專政改易錢穀職事多墮敗造尋以憂病歸第 月癸亥山南樊澤奏破希烈將杜文朝之衆五千擒文朝以獻乙丑鹿入含元殿衛士執之甲戌戶部侍郎元琇為尚書左丞京兆少尹李復為戶部侍郎判

鹽鐵推酒二月壬寅滑州李澄奏破希烈之衆於鄭州乙巳以司農卿李模為黔中觀察使四月丙寅淮西李希烈為其牙將陳仙奇所醜并誅其妻子仙奇以淮西歸順戊辰以前黔中觀察使元全柔為湖南觀察使辛巳陝州觀察使李泌奏盧氏山冶出瑟瑟請禁以充貢奉上曰瑟瑟不產中土有則與民共之任人採取甲申詔以淮西牙將陳仙奇為蔡州刺史淮西節度使都統劉玄佐李澄曲環李臯賈耽張建封各與一子正真官賞平淮蔡功也丁未以劍南東川節度使李叔明為太子太傅以東川兵馬使王叔暹為梓州刺史劍南東川節度使五月丙申由自癸巳大雨至於茲日饑民俟夏麥將登又此霖澍人心甚恐米斛復千錢丁酉以伊西北庭節度留後楊襲古為北庭大都護伊西北庭節度支營田瀚海等使己亥百寮請上復常膳是時民久饑困食新麥過多死者甚衆伊西北庭節度使李元忠卒贈司空辛酉大風雨街陌水深數尺人有溺死者癸未橫海軍使滄州刺史程日華卒以其子懷直權知軍州事秋七月戊子黔中

觀察使理所復在黔州辛卯以開州別駕白志真為果州刺史乙未
福建觀察盧慧卒己酉以虔王諒為申光隨蔡節度大使以淮西兵
馬使吳少誠為蔡州刺史知節度畱後加東都畱守賈耽東都畿唐
汝鄧都防禦觀察使以隴右行營節度使曲環為陳許節度使戊午
以鄜坊節度唐朝臣為單于大都護振武綏銀節度使右金吾大將
軍論惟明為鄜州刺史鄜坊都防禦觀察使己巳以金吾大將軍董
晉為尚書右丞庚辰右散騎常侍蔣沈卒丙戌吐蕃寇涇隴邠寧諸
鎮守閉壁自固京師戒嚴遣河中節度駱元光鎮咸陽九月詔左右
金吾及十六衛將軍故事皆擇勲臣出鎮方隅入居侍從自天寶艱
難之後衛兵雖然廢闕將軍品秩尤高此誠文武勲臣出入轉遷之
地宜增祿秩以示優崇並宜加給料錢及隨身糧課仍舉故事置武
班朝叅其廊下食亦宜加給其十六衛各置上將軍一人秩從二品
左右金吾上將軍俸料次於六統軍支給欲求致理必藉兼才文武
兼備不全限隔自今内外文武缺官於文武班中量才望相叅叙用

仍依故事於本衛量置衛兵所司條件以聞丁酉義成軍節度鄭滑
觀察等使檢校尚書左僕射滑州刺史武威郡王李澄卒以東都畿
唐鄧汝等防禦觀察使賈耽檢校尚書右僕射兼滑州刺史義成軍
節度鄭滑等州觀察使戊戌以吏部侍郎崔縱檢校禮部尚書東都
畱守東都畿唐鄧汝防禦觀察使己亥勅左右衛上將軍大將軍並
於衙內宿乙巳吐蕃寇好畧京師戒嚴李晟部將王似擊吐蕃於汧
陽城敗其中軍辛亥寇鳳翔李晟出師禦之一夕而退冬十月壬午
奏關內河中河南等道秋夏兩稅青苗等錢悉折納粟麥兼加估收
糴以便民從之是月李晟破吐蕃摧沙堡十一月甲午冊淑妃王氏
為皇后乙未兩浙節度使韓滉來朝丁酉冊皇后王氏是日崩諡
曰昭德辛丑吐蕃陷鹽州壬寅劉玄佐曲環鄂嶽盧玄卿並來朝十
二月丁巳以韓滉兼度支道鹽鐵轉運使吐蕃陷夏州又陷銀州
庚申以給事中同平章事崔造為右庶子貶尚書右丞度支元琇為
雷州司戶為韓滉誣奏人以為非罪諫官屢論之辛未鳳翔李晟來

朝壬申京城畿內推酒五斗推錢一百五十二蠲酒戶差役從度支奏也

三年春正月丙戌朔三寅以左僕射張延賞同中書門下平章事乙巳禮部侍郎薛播卒辛亥以戶部侍郎李諫為鄂嶽觀察使壬子以兵部侍郎柳渾同中書門下平章事劉滋守本官罷知政事

中書舍人平章事齊映貶夔州刺史戊寅度支鹽鐵轉運使鎮海軍節度浙江東西道觀察等使檢校左僕射同中書門下平章事晉國公韓滉卒贈大傅以果州刺史白志真為潤州刺史兼御史大夫浙西觀察使宣州刺史皇甫政為越州刺史浙東觀察使三月庚寅詔今年朝集使宜停丙午鳳翔隴右元帥副兵馬使吳詵為福建觀察使鳳翔都虞候邢君牙為鳳翔尹本府團練使丁未制鳳翔隴右涇原四鎮北庭管内兵馬副元帥鳳翔隴右道節度使奉天靖難功臣司徒兼中書令鳳翔尹上柱國西平郡王食實封一千五百戶李晟可太尉兼中書令庚戌以晟甥元帥兵馬使王必為右威衛上將軍辛亥河東

馬燧來朝時蕃相尚結贊使大將論頗熱卑辭厚意告馬燧請兩國同盟和好上疑其不誠不允故燧自將論頗熱入朝盛言蕃相請盟可以保信上乃從之許盟于平涼夏四月庚申詔蕃寇雖退疆理猶虞安邊之策必有良筭宜令常叅官各陳邊事隨所見封進以聞入蕃使崔翰奏於蕃中誘問給役者求蕃國人馬真數云凡五萬九千餘人馬八萬六千匹可戰者僅三萬人餘悉老幼庚午御麟德殿試定難樂曲馬燧所獻五月丁亥以侍中渾瑊為吐蕃清水會盟使兵部尚書崔漢衡副之瑊與駱元光率師二萬往會盟所丁酉以左丞暢悅為湖南觀察使戊戌左右神策左右龍武各加將軍一員以容管經略使杜祐為尚書右丞以容管經略使李復為廣州刺史嶺南節度使蕃相尚結贊請改會盟之所於原州之土梨樹神策將馬有麟奏土梨地多險阨恐蕃軍隱伏不如平涼川其地坦平又近涇州乃改盟於平涼川十月京師河南江陵汴州揚州大水漂民廬舍閏月乙卯以國子司業裴諝為澶州刺史湖南觀察使戊午陝號

李泌獻瑞麥一莖五穗庚申詔省州縣官貢上州畱上佐錄事參軍
司戶司士各一貢中州上佐錄事參軍司戶司兵各一貢下州上佐
錄事司戶各一貢京兆河南兩府司錄判司及西赤丞簿尉量畱一
半諸赤畿縣畱令丞尉各一貢時宰相張延賞請減官收俸料以助
軍計吐蕃故也壬戌日有黑暈自辰及申方散癸亥以荆南節度使
檢校戶部尚書嗣曹王臯為襄州刺史山南東道節度使樊澤為江陵尹荆南節度使
唐等州觀察使以山南東道節度使樊澤為江陵尹荆南節度使
辛未侍中渾瑊與吐蕃宰相尚結贊同盟于平涼為蕃兵所劫城狼狽
遁而獲免崔漢衡已下將吏陷沒者六十餘人癸酉遣使齎書以讓
結贊蕃界不受戊寅在矢墜于虛危辛巳以少府監盧嶽為陝虢觀
察使是月太白晝見凡四十餘日六月丙戌以檢校司徒侍中馬燧為
司徒兼侍中以贊吐蕃之盟失策而罷兵柄也以陝虢觀察使李泌
為中書侍郎平章事以左龍武將軍李自良為檢校工部尚書太原
尹河東節度使乙巳浙西觀察使白志真卒是月吐蕃驅驢夏二州

居民焚其州城而去七月甲寅渾瑊自盟所來素服待罪釋之丁卯
詔朕頃緣興師備邊資用不給遂權議減官以務集事近聞授官者
皆已隨牒之任扶老携幼盡室而行俸祿未請歸還無所衣冠之弊
流寓何依其先勅所減官員並依仍舊初既減員內外咨怨張延賞
李泌初入相乃諷諫官論之乃下此詔丙辰平涼陷蕃官貢崔漢
衡已下各與一子正貢官以左羽林大將軍韓潭為夏州刺史夏綬
銀等州節度使壬申賜賂元光姓曰李元諒尚書左僕射同中書門
下平章事張延賞薨贈太保癸酉復置吏部小選八月辛巳朔日有
蝕之丁亥陷蕃兵部尚書崔漢衡得還己丑以兵部侍郎平章事柳
渾為散騎常侍罷知政事壬申以給事中王緯為潤州刺史江西觀
察使常州刺史劉贊為宣州刺史宣歙池觀察使戊戌貶前門下侍
郎同平章事蕭復為太子左庶子饒州安置坐宗人位佩儒德鼎等
連郤國長公主姦蠱事也戊辰吐蕃犯塞諸軍戒嚴九月丁巳吐蕃
大掠汧陽吳山華亭界民庶徙於安化峽西庚申左庶子崔造卒癸

亥迴紇可汗遣使合闕將軍請昏於我許以盛安公主降之丙寅吐
蕃陷華亭又陷涇州之連雲堡甲戌吐蕃退俘掠邠涇隴等州民戶
殆盡自是蕃寇常至涇隴冬十月吐蕃修原州城屯據之丁亥太子
太傅李叔明卒丙戌神策將魏循上言射生將韓欽緒等十餘人與
資敬寺妖僧李廣弘同謀不軌唐弘自言當為人主約十月十日大
舉已署置將相名目詔捕劾之連坐死者百餘人欽緒遊瓌之子特
赦之是日復降魚書停刺史務十一月丁丑以湖南觀察使趙憬為
給事中是日京師地震者三鳥巢散落士申禁商人不得以口馬兵
械出於京師辛丑鄜坊節度使論惟明卒是歲作玄英觀於大明宮
北垣

唐書本紀卷第十二

唐書本紀卷第十二

